

حزبِ عبدلہ

نمبر ۹۱

۱۶ شوال ۱۳۳۱ — ۵ ایلول ۱۳۲۹

درجی سنہ

پیشینہ
قِسْمِ رَحْمٰی

نوعیاتِ عبدلہ

یوزغاد سنجائی استیناف محکمہ سی اعضا سندن سید محمد رشدی افندینک التمش بش یاشنی اکیال ایتمسنہ
مبنی تقاعدہ سوقیلہ یرینہ حدیدہ سنجائی ہدایت محکمہ سی مدعی عمومی معاون سابق حافظ احمد وارضروم
ولایتی استیناف محکمہ سی اعضا لگنہ تعیین اولنان موسی کاظم افندینک محل مأموریتنہ عزیمتدن استنکاف
ایتمسی جھٹیلہ یرینہ سلانیک استیناف محکمہ سی اعضا سندن ابراہیم رحمی وقدرش شریف سنجائی استیناف
محکمہ سی اعضا سندن کامل افندینک وقوع وفاتی ملا بسہ سیلہ یرینہ سیورک سنجائی ہدایت محکمہ سی مدعی
عمومی معاونی حضر فخری و سیورک سنجائی ہدایت محکمہ سی مدعی عمومی معاون لکنہ قوصوہ استیناف محکمہ سی
مدعی عمومی معاونی عثمان نوری و منحل اولان حلب ولایتی استیناف محکمہ سی اعضا لگنہ قدس شریف
سنجائی استیناف محکمہ سی اعضا سندن سلیم اسحق ہراری و بیروت ولایتی استیناف محکمہ سی اعضا سندن
نیقولاک و بیروت ولایتی استیناف محکمہ سی مدعی عمومی معاون لکنہ بقاع العزیز قضاسی ہدایت محکمہ سی
رئیس صلاح الدین و بقاع العزیز قضاسی ہدایت محکمہ سی ریاستنہ بیروت ولایتی مرکز ہدایت محکمہ سی
اعضا سندن عبدالوہاب و بیروت ولایتی مرکز ہدایت محکمہ سی اعضا لگنہ منتفک سنجائی مبعوث اسبق اولوب

جهت عدليه ده خدماتی مسبوق بولنان حضر جنای و چاقچور قضاسی بدایت محکمه سی ریاسته خنس قضاسی بدایت محکمه سی مدعی عمومی معاونی محمد فائق و خنس قضاسی بدایت محکمه سی مدعی عمومی معاونانکه در سعادت مکتب حقوقندن اعلی درجه ده مأذون اکرم محمد راغبی و اروه قضاسی بدایت محکمه سی ریاسته سیواس ولایتی مرکز بدایت محکمه سی اعضا سندن لطفی و سیواس ولایتی مرکز بدایت محکمه سی اعضا لغه بك اوغلی بدایت محکمه سی برنجی حقوق دائره سی دردنجی صنف کتبه سندن در سعادت مکتب حقوقندن علی الاعلی درجه ده مأذون عبده و شیروان قضاسی بدایت محکمه سی ریاسته معموره العزیز ولایتی مرکز بدایت محکمه سی اعضا سندن علی رضا و معموره العزیز ولایتی مرکز بدایت محکمه سی اعضا لغه در سعادت مکتب حقوقندن علی الاعلی درجه ده مأذون وقاص فرید و جزره قضاسی بدایت محکمه سی ریاسته دیار بکر ولایتی استیناف محکمه سی اعضا ملازمی اسماعیل حق و دیار بکر ولایتی استیناف محکمه سی اعضا ملازمکه در سعادت مکتب حقوقندن اعلی درجه ده مأذون علی و خیزان قضاسی بدایت محکمه سی ریاسته قره کلیسا قضاسی بدایت محکمه سی مدعی عمومی معاونی یوسف خاتم و قره کلیسا قضاسی بدایت محکمه سی مدعی عمومی معاونانکه در سعادت مکتب حقوقندن علی الاعلی درجه ده مأذون نوری و منجل اولان بتلیس ولایتی مرکز بدایت محکمه سی اعضا لغه حلب ولایتی مرکز بدایت محکمه سی اعضا سندن اوسب و چوروم سنجانی بدایت محکمه سی اعضا سندن آرتین شاملیان افندینک وقوع استعفا سی جهتله یرینه تحویلی ایجاب ایدن اسکیشهر لوا بدایت محکمه سی اعضا سندن آغوب و اسکیشهر لوا بدایت محکمه سی اعضا لغه وقوع طلبی اوزرینه حق ترفیعی محفوظ قالمق شرطیه معموره العزیز ولایتی استیناف محکمه سی اعضا سابقه سندن ثولوغوص و ایزمیت سنجانی بدایت محکمه سی اعضا لغه آیدین ولایتی مرکز تجارت محکمه سی اعضا سندن اخلیا و آیدین ولایتی مرکز تجارت محکمه سی اعضا لغه مناستر استیناف محکمه سی اعضا ملازم لردن داود فخری و توقاد سنجانی بدایت محکمه سی اعضا لغه امامیه سنجانی بدایت محکمه سی اعضا سندن مؤتزیواس و امامیه سنجانی بدایت محکمه سی اعضا لغه موصل ولایتی مرکز بدایت محکمه سی اعضا سابقه سندن هارون و نصیبین قضاسی بدایت محکمه سی مدعی عمومی معاونانکه در سعادت مکتب حقوقندن اعلی درجه ده مأذون احمد و کبان معدنی قضاسی بدایت محکمه سی مدعی عمومی معاونانکه در سعادت مکتب حقوقندن علی الاعلی درجه ده مأذون خالد و ارزنجان سنجانی بدایت محکمه سی اعضا سندن یووانا کی افندینک عزلیله یرینه مسلك عدليه ده خدمتی مسبوق اولان خاندانیان قره بت و اووده مش قضاسی بدایت محکمه سی مدعی عمومی معاونانکه کوپرلی بدایت محکمه سی مدعی عمومی معاونی ابراهیم ادهم و پلومر قضاسی بدایت محکمه سی مدعی عمومی معاونانکه سلا نیک مکتب حقوقندن علی الاعلی درجه ده مأذون حافظ محمد و طرابلس شام سنجانی بدایت محکمه سی مستنطقی شا کر افندینک عزلیله یرینه صور قضاسی بدایت محکمه سی مستنطقی محمد رشید و سیواس ولایتی مرکز بدایت محکمه سی اعضا ملازم لردن مصطفی نقی افندینک عزلیله یرینه تحویل مأموریتی

ایجاب ایدن اسکیشهر لوا بدایت محکمه سی اعضا ملازمی نوری و اسکیشهر لوا بدایت محکمه سی اعضا ملازمکه در سعادت مکتب حقوقندن علی الاعلی درجه ده مأذون احمد هدایت و کرون قضاسی بدایت محکمه سی مدعی عمومی معاونانکه در سعادت مکتب حقوقندن علی الاعلی درجه ده مأذون محمد راسخ و شیران قضاسی بدایت محکمه سی مستنطقکه وارطو قضاسی بدایت محکمه سی مستنطقی فخری و موصل قضاسی بدایت محکمه سی مستنطقکه جزره قضاسی بدایت محکمه سی مستنطق سابقی محمد حلیم افندیلر نقل و تعیین اولنمش و کره نحاس ناحیه سی بدایت محکمه سی رئیس احمد ثریا افندی ایله قره عیسالو قضاسی بدایت محکمه سی رئیس محی الدین و آخر محله نقلی ایجاب ایدن بیروت ولایتی مرکز بدایت محکمه سی برنجی مستنطقی خلیل سری افندی ایله قدس شریف سنجانی بدایت محکمه سی برنجی مستنطقی احمد حمیدی افندیلرک بجایشلری اجرا ایدلش و موصل ولایتی استیناف محکمه سی جزا دائره سی ریاسته تعیین اولنان علی رضا افندینک عنوانی محکمه مذکوره معاملاتک توحید ایدلش اولسی حسینله توضیحاً استیناف ریاسته تحویل قلمشدر .
اشبو اراده سینه نک اجرا سینه عدليه ناظری مأموردر .
۱۳ رمضان سنه ۳۲۱ و ۳ اغستوس سنه ۳۲۹
صدر اعظم
عدليه ناظری
ابراهیم
محمد سعید

قونیه ولایتی استیناف محکمه سی جزا دائره سی ریاسته بصره ولایتی استیناف محکمه سی رئیس سالم و بصره ولایتی استیناف محکمه سی ریاسته موصل ولایتی استیناف محکمه سی مدعی عمومی مصطفی نوری و موصل ولایتی استیناف محکمه سی مدعی عمومی میلکه معموره العزیز ولایتی استیناف محکمه سی مدعی عمومی عطا و معموره العزیز ولایتی استیناف محکمه سی مدعی عمومی میلکه یانیه استیناف محکمه سی مدعی عمومی علی حیدر و قونیه ولایتی استیناف محکمه سی مدعی عمومی میلکه سلا نیک استیناف محکمه سی مدعی عمومی حسن سامی و توقاد سنجانی بدایت محکمه سی جزا دائره سی ریاسته ایلصان بدایت محکمه سی جزا دائره سی رئیس و سینوب سنجانی بدایت محکمه سی جزا دائره سی ریاسته رشادیه بدایت محکمه سی جزا دائره سی رئیس ذکریا و حوران سنجانی بدایت محکمه سی ریاسته نابلس سنجانی بدایت محکمه سی جزا دائره سی رئیس سابق توفیق و بغداد ولایتی استیناف محکمه سی اعضا لغه تعیین ایدیلن کر قور کمال افندینک سرداعذار ایله محل مأموریتنه عزیمتدن استنکافی جهتله یرینه بصره ولایتی استیناف محکمه سی اعضا سابقه سندن منشی حکیم و منجل اولان قدس شریف سنجانی استیناف محکمه سی اعضا لغه حاسنجانی بدایت محکمه سی اعضا سندن قسطنطی و حاسنجانی بدایت محکمه سی اعضا لغه حلب ولایتی مرکز بدایت محکمه سی مدعی عمومی میلکی برنجی

کاتبی یورفاکی وپاسینلر قضایى بدایت محکمهسى ریاسته وان ولایتی مرکز بدایت محکمهسى مدعی عمومی معاونی عبدالمنان و وان ولایتی مرکز بدایت محکمهسى مدعی عمومی معاونلکنه مرجان قضایى بدایت محکمهسى مدعی عمومی معاونی ادریس و پرواری قضایى بدایت محکمهسى ریاسته دیاربکر ولایتی مرکز بدایت محکمهسى مدعی عمومی معاونی محمد امین و دیاربکر ولایتی مرکز بدایت محکمهسى مدعی عمومی معاونلکنه عدلیه نظارتی سبیل قاضی موظف ملازمین در سعادت مکتب حقوقدن اعلی درجهده مأذون محمد امین وپتورکه قضایى بدایت محکمهسى ریاسته ملازکرد قضایى بدایت محکمهسى رئیس علی رضا و ملازکرد قضایى بدایت محکمهسى ریاسته قوچحصار قضایى بدایت محکمهسى مدعی عمومی معاونی ثریا وقره مرسل قضایى بدایت محکمهسى ریاسته بازار کوی قضایى بدایت محکمهسى رئیس جودی و بازار کوی قضایى بدایت محکمهسى ریاسته بهسنی قضایى بدایت محکمهسى رئیس اسماعیل عصمت و کوار قضایى بدایت محکمهسى ریاسته در سعادت مکتب حقوقدن علی الاعلی درجهده مأذون عثمان و منحل اولان حلب ولایتی مرکز بدایت محکمهسى اعضالغنه طرابلس شام سنجائی بدایت محکمهسى اعضاسندن نعوام نجائی و طرابلس شام سنجائی بدایت محکمهسى اعضالغنه نابلس سنجائی بدایت محکمهسى اعضای متخبه سابقه سندن شکری فرا وماردین سنجائی بدایت محکمهسى اعضالغنه تعیین ایدیلن محمد مظهر افندینک استعفاى ملاسه سیله یرینه بغداد مکتب حقوقدن علی الاعلی درجهده مأذون محمد نوری و محکمه مذکورده نک منحل اولان دیگر اعضالغنه در سعادت مکتب حقوقدن اعلی درجهده مأذون بکر و منحل اولان حمید آباد سنجائی بدایت محکمهسى اعضالغنه در سعادت مکتب حقوقدن علی الاعلی درجهده مأذون سفوقلیس و ارطغرل سنجائی بدایت محکمهسى اعضاسندن البرفردون افندینک وقوع استعفاى بنا یرینه آطنه ولایتی مرکز بدایت محکمهسى اعضای سابقه سندن آرام و حوران سنجائی بدایت محکمهسى اعضاسندن محمد افندینک عزلیله یرینه در سعادت مکتب حقوقدن اعلی درجهده مأذون ابراهیم خلیل و خیزان قضایى بدایت محکمهسى مدعی عمومی معاونلکنه در سعادت مکتب حقوقدن اعلی درجهده مأذون علی و وان ولایتی داخلنده رشادیه قضایى بدایت محکمهسى مدعی عمومی معاونلکنه امین اوکی صالح محکمهسى ایکنجی کاتبی سلانیک مکتب حقوقدن علی الاعلی درجهده مأذون نیازی والشکرد قضایى بدایت محکمهسى مدعی عمومی معاونلکنه عمادیه قضایى بدایت محکمهسى مدعی عمومی معاون سابق محمد جمال و عجلون قضایى بدایت محکمهسى مدعی عمومی معاونلکنه در سعادت مکتب حقوقدن علی الاعلی درجهده مأذون عبدالدین و قونیه ولایتی مرکز بدایت محکمهسى اعضا ملازمین شکری افندینک عزلیله یرینه جزوه قضایى بدایت محکمهسى مستنطق سلانیک مکتب حقوقدن علی الاعلی درجهده مأذون لطفی و پتورکه قضایى بدایت محکمهسى مستنطقلکنه مدیات قضایى بدایت محکمهسى مستنطق یوسف کال و زیتون قضایى بدایت محکمهسى مستنطقلکنه شتاق قضایى بدایت محکمهسى مستنطق سابق اکرم و کاظمیه قضایى بدایت محکمهسى مستنطقلکنه بغداد مکتب حقوقدن

علی الاعلی درجهده مأذون توفیق و اسکیشهر قضایى لوا بدایت محکمهسى جزا و تجارت دائرهسى ریاسته تحویل مأموریتی اجرا قلنان رشاد افندینک وقوع طلبنه مبنی مأموریت سابقهسى اولان درسم سنجائی بدایت محکمهسى ریاسته اعاده سیله مذکور اسکیشهر قضایى لوا بدایت محکمهسى جزا و تجارت دائرهسى ریاسته محل آخره نقلی استدعاسنده بولنان جبل برکت سنجائی بدایت محکمهسى جزا دائرهسى رئیس محمد نصرت و جبل برکت سنجائی بدایت محکمهسى جزا دائرهسى ریاسته درسم سنجائی بدایت محکمهسى ریاسته تحویل مأموریتی اجرا قلندینی حلاله سلفنک اعاده مأموریتی حسبیه آچقده قالان علی ضیا افندیلر نقل و تعیین اولنش و قدس شریف سنجائی استیناف محکمهسى مدعی عمومی علی صائب افندینک استعفاى قبول ایدلشدر و لازقیه سنجائی بدایت محکمهسى اعضاسندن احمد مقدم و طرابلس شام سنجائی بدایت محکمهسى اعضاسندن توفیق افندیلرک بجایشلری اجرا قلنشدر .

اشبور اراده سنیه نک اجراسنه عدلیه ناظری مأموردر ۲۸ رمضان سنه ۳۳۱ و ۱۸ اغستوس سنه ۳۲۹

محمد رشاد

عدلیه ناظری
ابراهیم
صدراعظم
محمد سعید

*

**

ادرنه ولایتی بدایت محکمهسى مدعی عمومی میلکنه سوه رک سنجائی بدایت محکمهسى مدعی عمومی معاونلکندن مستعفی عثمان نوری افندی تعیین اولنشدر .

اشبو اراده سنیه نک اجراسنه عدلیه ناظری مأموردر ۲۸ رمضان سنه ۳۳۱ ، ۱۸ اغستوس سنه ۳۲۸

محمد رشاد

عدلیه ناظری
ابراهیم
صدراعظم
محمد سعید

*

**

در سعادت بدایت محکمهسى مدعی عمومی میلکنه بک اوغلی بدایت محکمهسى مدعی عمومی بدری و بک اوغلی بدایت محکمهسى مدعی عمومی اسکدار بدایت محکمهسى مدعی عمومی عمر لطفی و اسکدار بدایت محکمهسى مدعی عمومی میلکنه در سعادت بدایت محکمهسى مدعی عمومی سداد بکک رک نقللری اجرا قلنشدر .

اشبو اراده سنیه نک اجراسنه عدلیه ناظری مأموردر ۴ شوال سنه ۳۳۱ و ۲۴ اغستوس سنه ۳۲۹

محمد رشاد

عدلیه ناظری
ابراهیم
صدراعظم
محمد سعید

محکمہ تمیز حقور

محکمہ تمیز حقور دائرہ حقور

محکمہ تمیز حقور دائرہ سندھ صادر اولادہ ۹ یسانہ سنہ ۳۲۹ تاریخ ۲۷۶ نومرولی اعلام صور تیر:

« مدعی و مدعی علیہ مدعا بہ عرصہ بی باشقہ باشقہ کیسہ لردن اشترا و تفرغ ایلدکریخی ادعا ایتملرینه نظراً اول امرده مدعی بہ عرصہ فی الاصل طرفیندن هانکیسنگ باپی عہدہ سندہ مقید اولدیغنک طاپو اداره سندن استعلا پی ایلہ آله حق جوابہ کورہ اعطای قرار اولنسی لازمدر »

اطنه ولایتی داخلندہ طرسوس قضاسنگ دباغخانہ محلہ سندہ مقیم قرہ محمد زاده حافظ احمد افندی ایلہ کور دموس قریہ سندہ ساکن سلیمان اوغلی طور مش بینندہ متکون دعوا یہ دائر ولایت مذکورہ استیناف محکمہ سندن ۴ شباط سنہ ۳۲۸ تاریخی و یتش درت عددیہ و یریلوب مزبور حافظ احمد افندی طرفیندن تمیزاً تدقیقی استدعا قلنان اعلام طرفینک اعتراض و جواب لایحہ لریلہ برابر بالمطالعہ تدقیقات تمیز یہ اجر اسنہ ابتدار قلندی .

اعلام مذکور مندرجاتنہ نظراً مزبور حافظ احمد افندی طرسوس قضاسی بدایت محکمہ سندہ باعرفحال مراجعتلہ دباغخانہ محلہ سندہ واقع باطاپو متصرف اولدیغی معلوم الحدود برقطعه عرصہ سندہ مرقوم طور مش طرفیندن وقوع بولان مداخلہ نك منعی طلب و دعوی وحسیبہ بنت حافظ سلیمانك قطعاً بیغنی حاوی برقطعه سند خاقانی ابراز و اعطا و مدعی علیہ دخی مذکور عرصہ یہ ۳۰ صفر الحیر سنہ ۱۲۹۱ تاریخیندن مبین سندیلہ کرک بایعہ مزبورہ نك حیاتندہ و کرکسہ مدعینک و جاہندہ شمدی یہ قدر مستقلاً تصرف ایتدیکنی و مبین سندى ارادہ سینه دن مقدم بولندیغی جہتلہ مدعینک طاپوسنہ ترجیح ایدیلہ جکنی مدافعة درمیان و حوجیلرلی خلیل بن اسماعیل و عثمان حافظ امضالری ممضی برقطعه مبین سندى ابراز و ارانہ ایللری اوزرینہ محل مدعا بہ مدعی علیہک وضع یدی بالینہ اثبات ایتدیرلدکن و منازع فیہ محاکم کشفی اجرا قلندقدن صکرہ جریان ایدن محاکمہ و تدقیقات نتیجہ سندہ مدعا بہ مدعینک سند خاقانینسندہ محرر حدود داخلندہ مال مشتراسی اولدیغی سند مذکور مندرجاتی و کشف ورقہ سی مدلولاتیلہ ثابت اولدیغندن مدعی علیہک مداخلہ نك منعنه دائر صادر اولان اعلام علیہندہ مرقوم طور مش طرفیندن استیناف دعواسی اقامہ اولنسی اوزرینہ اجرا قلنان محاکمہ و تدقیقات نتیجہ سندہ عرصہ محدودہ مذکورہ مدعی علیہک شراء و مستقلاً مال وملکی اولدیغی مستأنف طرفیندن اقامہ واستماع اولنوب لدی التزکیہ عدل و مقبول الشہادہ اولدقلری آ کلاشیلان

شہودك شہادتیلہ ثابت اولدیغنه و خصوص مذکور اعلام ابتدائی مزبورك اساسنہ تأثیر ایلش بولندیغنه مبنی اصول محاکمہ حقوقیہ قانونی ذیلنک یکرمی دردنجی مادہ سی موجبجہ اعلام مستأنف بہک فسخیلہ مجلہ نك بیك سکز یوز اون سکزنجی مادہ سنہ توفیقاً مستأنف علیہ حافظ احمد افندیك دعوا ی مذکورہ سیلہ مرقوم طور مشہ بیوجہ معارضہ دن منعنہ حکم و قرار ویرلدیکی آ کلاشلمشدر .

تمیز طرفیندن اعطا قلنان لایحہ تمیز یہ دہ کنیدی محل مذکورہ باطاپو متصرف ایکن سند عادی یہ بنای حکم اولنسی و مرقومك ادعا ایتدیکی محل بشقہ اولدیغنک نظر دقتہ النامسی یولسز و مغایر قانون اولدیغندن بحثلہ اعلامك نقضی و لایحہ جوابیہ دہدہ اعتراض مذکور غیر وارد اولدیغندن اعلام تمیز بہک تصدیقی طلب واستدعا اولنمشدر .

ایجابی مذاکرہ اولندقدہ کیفیت هر نہ قدر بروجہ بالا بالرؤیہ تحت حکمہ آلمش ایسہ دہ مدعی و مدعی علیہ مدعا بہ عرصہ بی بشقہ بشقہ کیسہ لردن اشترا و تفرغ ایلدکریخی ادعا ایتملرینہ نظراً اول امرده مدعی بہ عرصہ فی الاصل طرفیندن هانکیسنگ باپی عہدہ سندہ مقید اولدیغنک طاپو اداره سندن استعلامیلہ النہ حق جواب اوزرینہ تبین ایدہ جك حالہ کورہ حکم اعطا ایدلک لازم کلور ایکن بو جہت تأمل ایدلمکسزین بروجہ مشروح قرار ویرلسی یولسز و مخالف اصول و قانون اولدیغندن اصول محاکمہ حقوقیہ قانوننک ایکویز قرق برنجی مادہ سی موجبجہ اعلام مذکورك تقضیلہ قانون مزبورك ایکویز قرق دردنجی مادہ سنک فقرہ اولاسی حکمنہ توفیقاً کیفیتک تکرار بالرؤیہ اعلامہ ربطی ضمنتدہ محکمہ مذکورہ یہ اعادہ سنہ و مصارف تمیز یہ نك دہ ایلرودہ حقسز چیقہ حق طرفہ عائد اولسنہ ۹ شباط سنہ ۳۲۹ تاریخیندہ متفقاً قرار ویرلدی .

محکمہ تمیز حقور دائرہ سندھ صادر اولادہ ۲۷ یسانہ سنہ ۳۲۹ تاریخ ۲۷۳ نومرولی اعلام صور تیر:

« یمیندن نکول ایتک موکلہ عائددر »

اینہ بولی قصبہ سندہ مقیم قرہ کوللہ زاده حاجی محمد افندی ایلہ قصبہ مذکورہ نك پونی ری قریہ سی اہالیسندن یکی چری اوغلی عثمان بینندہ متحدث دعوا یہ دائر اینہ بولی محکمہ سندن ۱۳ کانون ثانی سنہ ۳۲۹ تاریخی و سکسان آتی عددی ایلہ و یریلوب مومی الیہ حاجی محمد افندی طرفیندن تمیزاً تدقیقی استدعا قلنان اعلام طرفینک اعتراض و جواب لایحہ لریلہ بالمطالعہ تدقیقات تمیز یہ اجر اسنہ ابتدار قلندی .

اعلام مذکور مندرجاتنہ نظراً مومی الیہ حاجی محمد افندی وکیلی صالح افندی محکمہ مذکورہ یہ باعرفحال مراجعتلہ موکلنک اوچیوز یکرمی درت سنہ سی ایلولندہ رؤیت اولنان کراسنہ اخذ و اعطا محاسبہ سی نتیجہ سندہ مزبور عثمان ذمتندہ درت بیك یدی یوز آلمش بش غروش مطلوبنک مع فائض

مزبور عثماندن تحصیلنی طلب و دعوی ایتسنه قارشو مدعی علیه مزبور عثمان دخی مدعی مومی الیهک اولجه بو خصوصه دائر علیهنده اقامه ایلدیکی دعوائی تعقیب ایتدیکندن طولانی حق محاکمه نك موقتاً سقوطنه قرار ویرلش اولمغه برابر مبلغ مدعابه بورجی اولدیغنی مدافعه بیان و انبا و ۱۳ شباط سنه ۳۲۴ تاریخی بر قطعه اعلام ابراز و اعطا ایتسی اوزرینه جریان ایدن محاکمه و تدقیقات نتیجه سننده مدعی علیه مزبور عثمانك بعد الحساب مدعی مومی الیه یوزده اون قومیسو نیجلیق ايله اون بیک ایکی یوز اوتوز طقوز غروشلق مختلف الجنس کراسته الیور دیکنی و مذکور کراسته میاننده بولنان ایکی بیک یوز یتیش اوچ عدد کورکن دیره کنک بهرنی یوزر پاره یه تسلیم ایلدیکی مدعی علیهک بالطلب قبول و اجرا ایلدیکی محمد قودانك سفینه سنه ویریلان پراچول اتمانندن التمش غروش و دلیکطاش اورمانندن ویردیکی مصارف بدلندن الی بش غروش و طوپال اوغلی حاجی مصطفی اغایه ویریلان بیک درت یوز طقسان غروش و یولیچه بدلنه قالان التیوز طقسان اوچ غروش و اوچ یوز یکریمی اوچ سنه سی رؤیت ایتدکری حسابدن قالان آلتش آلتی بچوق غروش مدعی حاجی محمد افندی یه تسلیاتی بولندیغنی یولنده کی ادعاسنی مدعی وکیلی مومی الیه صالح افندیك وقوع بولان انکاری اوزرینه مدعی علیهک اثباتدن اظهار عجز ایدرک مدعی مومی الیهک تحلیفنی طلب ایتسنه مقابل وکیل مومی الیه ده اولجه جریان ایدن محاکمه نك سقوطنه قرار ویریلرک ختام بولش اولمغه دعوائی واقعه نك تجدیداً رؤیتی لازم کله جکندن بخله یمیندن نکول ایتدیکنی افاده و بیان ایلسنه بناءً بخله نك بیک سکزیوز اون سکزینجی و بیک سکزیوز یکرمنجی ماده لری احکامنه توفیقاً مدعی علیه عثمانك بروجیه محرر مطلوبات و تأدیاتی بولنان من حیث المجموع اوچ بیک طقوز یوز اوتوز غروش اوتوز پاره نك مدعابه درت بیک یدی یوز آلتش بش غروشدن بعد التنزیل متباقی سکزیوز اوتوز درت غروش اون پاره نك تاریخ استدعادن اعتباراً فائض نظامیسه برابر مدعی علیهن بالتحصیل مدعی مومی الیه اعطاسنه و فضله ادعاسنك ردینه حکم وقرار ویرلدیکی آکلاشلمشدر .

مستدعی تمیزک اعطا ایلدیکی لایحه اعتراضیه ده محکمه هیئتک تعریفات قانونیه دائره سننده تشکیل ایدلک مقتضی اولدیغنی حالده محکمه مذکورجه بوقاعده قانونیه یه عدم رعایتله بروجیه محرر حکم اولمنسی مخالف قانون اولدیغندن بخله اعلام مذکورک نقضی و جواب لایحه سننده غیر وارد اولان اعتراضك ردیه موافق اصول و قانون اولان اعلامك تصدیق طلب و استدعا اولمشدر .

ایجابی مذاکره اولندقدده محکمه جه کیفیت بروجیه محرر تحت حکمه ربط اولنش ایسه ده یمیندن نکول ایتک موکله عائد ایکن وکیلک موکله یمین توجه ایتیه جکنه و یمین ایتیه جکنه دائر اولان افاده سنك نکول عد ایدیلرک بروجیه مشروح قرار ویرلمسی یولسر و مغایر قانون اولدیغنه بناءً اصول محاکمه حقوقیه قانونك اکیوز قرق برنجی ماده سی موجبجه اعلام مذکورک نقضیه قانون مزبورک اکیوز قرق درنجی ماده سی حکمنه توفیقاً کیفیتک بالرؤیه اعلامه ربطی ضمننده محکمه مذکوریه اعاده سنه واشبو تمیز دعواسندن طولانی

اختیار اولنان مصارفك ایلروده حقسنر چیه جق طرفه عائد اولسنه ۲۷ نیسان سنه ۳۲۹ تاریخننده متفقاً قرار ویرلدی .

حکم تمیز حقوق دائره سننده صادر اولره ۲۸ مایس سنه ۳۲۹ تاریخی و ۸۰۷ نومرولی اعلام صورتیبر :

« بین الورثه حق قرار معتبر دکلدیر »

وان ولایتی داخلنده باش قلعه قصبه سننده مقیم ارتین اوغلی صوغومون ايله عم زاده سی مناستر اوغلی اوسیب بیننده متکون دعوائیه دائر حکاری بدایت محکمه سنندن ۱۵ تشرین اول سنه ۳۲۸ تاریخی و التمش طقوز عددیه ویریلوب متهمون صوغومون طرفندن تمیزاً تدقیق استدعا قلنان اعلام طرفینك اعتراض و جواب لایحه لرله بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مرقوم اوسیبك حدود مواقعی معلوم اون ایکی قطعه ترلا ايله بر باب خانیه یکریمی سنه دنبری برزراع تصرف ایلکده اولدیغنی حالده بوکره مزبور صوغومون طرفندن اراضی و املاک مذکورنك نصف حصه سنه وقوع بولان مداخله نك منعی طلب و دعوی و مدعی علیه دخی مدعابه اراضی و خانه مدعینك پدریه کندی پدرینك عهدۀ تصرفلرنده بولندیغنی حالده وقوع و فواتلرینه مبنی کندولرینه انتقال ایدرک مشترک تصرف ایلکده اولدق لرینی و شوقدرکه کندوسی فقیر اولوب چفت حیواناتنه مالک اولدیغندن ترلا لرك قسم اعظمی مدعی طرفندن زراعت ایدلکده اولدیغنی و کیفیتک طاپو اداره سنندن استعلامنی مدافعه بیان و ادعا ایللری اوزرینه اول امرده مدعابه اراضی و خانه یه مدعینك ذی الید بولندیغنی بالبنه ثابت اولدقدن و کیفیت طاپو اداره سنندن بالاستعلام مورد جوابدن اراضی و املاک مدعابه طرفینك موقتاً پدرلری ناملرینه مقید اولدیغنی اکلاشلقدن صکره اجرا قلنان محاکمه و تدقیقات نتیجه سننده مدعابه اراضی و خانه یه مدعی مرقوم یکریمی سنه دنبری بلا نزاع مستقلاً تصرف ایلکده اولدیغنی ترجیحاً استماع قلنان شهودك شهادتیه ثابت اولسنه مبنی مجله و اراضی قانونك مواد مخصوصه سی احکامنه توفیقاً مدعی علیه مرقومك مدعابه اراضی و خانه یه و متهمونك مداخله سنك منعنه حکم وقرار ویرلدیکی اکلاشلمشدر .

مستدعی تمیز طرفندن ویریلان لایحه ده مدعابه اراضی و خانه مورثلری نامنه مقید بولندیغنی طاپو اداره سنندن مورد جوابدن مفهوم اولمش و بین الورثه حق قرار معتبر اوله میه جنی اولباده کی قرارعالی اقتضاسندن بولنش ایکن محکمه جه بروجیه محرر اعطای حکم اولمنسی یولسر و مغایر قانون اولدیغندن بخله اعلامك نقضی و لایحه جوابیه ده دخی موافق قانون اولان اعلام مذکورک تصدیق طلب و استدعا قلنمشدر .

ایجابی لدی المذاکره کیفیت مدعا بروجیه محرر حکم و قراره ربط ایدلش ایسه ده مدعابه اراضی و خانه نك طاپو جه طرفینك پدرلری نامنه مقید اولدیغنی حالده مدعینك مجرد و یکریمی سنه تصرفك اثبات ایدلسنندن طولانی

قيد رسميه قارشو مدعى عليهك منع مداخله سنه قرار ويرلمسى يولسىز ومغاير قانون اولديغندن اصول محاكمه حقوقيه قانوننك ايكي يوز اوتوز ايكنجى مادهسى موجبجه اعلام مذكورك نقضيله قانون مذكورك ايكي يوز قرق دردنجى مادهسنىك فقره اولاسى حكمنه توفيقاً كيفيتك بالرؤيه اولوجهله اعلامه ربطى ضمننده محكمه مذكوره اعاده سنه وزيردهكى مصارف تميزيهك ايلروده - قسز چيقه جق طرفه عايتنه ۲۸ ميس سنه ۳۲۹ تاريخنده متفقاً قرار ويرلدى .

محكمه تميز جزا دائره سنى مقرراتى

محكمه تميز جزا دائره سنى صادر اولاره ۲۹ فبراره سنه ۳۲۹ تاريخى و ۱۳۱۶ نومرولى اعلام صورتيه:

« مواد جزائيه وبالخاصه محاکات جنائيه ده حصر شهادت قاعدهسى جارى دكلدر »

لازستان سنجاغى بدايت محكمهسى جزا دائره سندن اخيراً صادر اولان ۲۶ جمادى الاول ۱۳۳۱ و ۲۰ نيسان ۳۲۹ تاريخلى و يوز اللى بش نومرولى اعلام ايله اوراق متفرعهسى باش مدعى عموميك مأموريت عليه سندن نقض طلبى حاوى ۹ رجب ۳۳۱ و ۱ حزيران ۳۲۹ تاريخلى و بيك اوچيوز التمش درد نومرولى تبليغنامه ايله محكمه تميز جزا دائره سنه اعطا قلمشدر .

اعلام مذكورك خلاصه مندرجاتى اوچيوز يكرمى التى سنهسى تموزينك طقوزنجى كيجهسى قرای سبله ناحيه سنىك جيل اورته كوى قريه سندن قومبصار اوغلى مجيد بن احمدى قتل و محمد على بن بيرامى قتل قصديه جرح ايلدكلى ادعا قلمسندن طولاي جنايتله اتهام اولنان اشخاصدن ريزهك آرون ماغلوز قريه سندن قره عثمان اوغلى محرم بن حسن و سيورى اوغلى حسن بن تمل و قانسز اوغلى يعقوب بن احمدك محكوميتلرينه دائر مقدما صادر اولان اعلام عندالتميز بعض اسباب قانونيه مبنى نقض ايله اعاده قلمسى اوزرينه اخيراً اجرا قلنان محاكمه لرك نتيجه سنده متهمون مرقوموندن محرمك من غير تعمد قتل مذكوره جرأتى و حسنك دخى غياباً محكوم بولنان رفيق حسين ايله و قتل قصديه انداخت ايتدكلى سلاحلردن برينك مرميسنك اصابتيله محمدعليك جرح اولندينى مع القسم استماع قلنان شهودك شهاداتى و ضبط ورقهسى و طبيب راپورى مندرجاتى و دلائل سائر ايله ثابت اولوب انجق جرح مذكورك مرقومان حسن و حسيندن هانكيسنك سلاحى مرميسيله وقوعه كلديكى اكلاشيله مامسنه مبنى محرمك قتل و حسنك دخى قتل قصديه سلاح انداختى فعللرينك فاعلى اولق اوزره مجرميتلرينه و حركت واقعه لرينه نظراً محرمك قانون جزانك يوزيتش دردنجى مادهسى حكمنه توفيقاً اون بش سنه مدته كوركه قونلسنه و حسنك دخى جرمك تاريخ وقوعى اعتباريله قانون مذكورك يوز سكسانجى ماده عتيقه سيله يوز سكسانجى ماده قائمه سنه تطبيقاً حقنده تعيين اولنان

درد سنه كورك جزاسنك ثلثانى اولان اوتوز ايكي ماهك حين ايضاع جرمده اون سكر ياشنى اكال ايتامش اولسى جهتيله قرقنجى ماده سنه توفيقاً يكرمى ايكي آى مدته حبسه تحويلنه ويعقوبك برائتنه ۲۰ كانون ثانى ۳۲۸ تاريخنده حكم اولديغندن عبارتدر .

اوراق دعوانك مطالعه سندن صكره تدقيقات تميزيه اجرا اولندقد تبليغنامه ده دخى بيان اولندينى اوزره مواد جزائيه وبالخاصه محاکات جنائيه ده حصر شهادت قاعدهسى جارى اولمايوب وقت استماعندن لاقل يكرمى درد ساعت اول اسم وصف و محل اقامتلىنى تحريراً بيلديرمك شرطيله متهمك محاکاتك هر صفحه سنده مدافعه شهودى اقامه سنه صلاحيتى دركار ايكن محرمك ۱۷ تشرين ثانى ۳۲۸ تاريخلى عرضحال ايله لزوم جلب واستماعلىنى طلب ايلديكى شهودك اولجه طاهر چاوشدن بشقه مدافعه شاهدى اولديغنى سويلش اولديغندن بخله قبل الاستماع ردينه قر ارويلى حق مدافعه يي اخلاص ايتش وائناى وقعه ده متعدد اشخاص طرفدن استعمال سلاح ايلديكى جمله اخباراتدن اولوب فعل قتلى انتاج ايدن قورشونك مجرد بو متهمك آتدينى سلاح قورشونى اولديغنى حقنده مجرميت قرارنده بركونا ادله صريحه و واضح ذكر و ايراد ايديله مامش و ۱۸ ايلول ۳۲۸ تاريخلى ايكنجى جلسه محاكمه مدعى عمومى و كالت ايدن اعضا ملازمى شوكت افنديك صوك قسم محاكمه هيئت حاكمه مياننده بولنه رق حكمه اشتراك ايتسى ده مخالف قانون بولنش اولديغندن اصول محاکات جزائيه قانوننك اوچيوز اون دردنجى مادهسى حكمنه توفيقاً اعلام اخير مذكورك دخى اسباب مسروديه مبنى نقضه و احكام قانونيه دائره سنده ايفاي معامله اولنق اوزره اوراقك محلنه اعاده سنه و ايكوز غروش اعلام خرچك ايلروده حقسز چيقه جق طرفندن تحصيلنه ۹ حزيران ۳۲۹ تاريخنده متفقاً قرار ويرلدى .

محكمه تميز جزا دائره سنى صادر اولاره ۲۹ اغستوس سنه ۳۲۹ تاريخى و ۲۳۷۱ نومرولى اعلام صورتيه:

« رئيس محكمه مخالف اولدينى حالده اعضاى محكمه ك اظهار حقه خادم اوله جنى سرييله شاهد جلب واستماعلىنه قرار اعطاسى نقض حكمتى مستلزمدر »

چوروم سنجاغى بدايت محكمهسى جزا دائره سندن صادر اولان ۹ حزيران سنه ۳۲۹ تاريخلى و يوز اوتوز بش نومرولى اعلام ايله اوراق متفرعهسى باش مدعى عمومياك مأموريت عليه سندن ۱۹ شعبان سنه ۳۳۱ و ۱۱ تموز سنه ۳۲۹ تاريخلى و ايكي بيك اون طقوز نومرولى تبليغنامه ايله محكمه تميز جزا دائره سنه اعطا قلمشدر .

اعلام مذكورك خلاصه مالى اوچيوز يكرمى سكر سنهسى نيسانك يكرمى سكرنجى كيجهسى عثمانجك قره ويران قريه سندن حاجى عثمان اوغلى لطف اللهك ليلاً قوسى كلدينى آچهرق و صندوغنى قيره رق نقود

واشیاسنی سرقت ایتدکلی ادعا قلمسندن طولانی جانیله اتهام اولنان قریه مذکوردهن حاجی محمد اوغلی محمد وسوخته اوغلی امین و مرقومانه معاونت ایلدیکی ادعاسیله کذلک جانیله متهم بولنان چاوش اوغلی کور ابراهیمک اجرا قلنان محاکمه لری نتیجه سنده متهمون مرقوموندن محمد ایله امینک بروجه ادعا فعل سرقت مذکورده به مجاسرتلری مع القسم واقع اولان شهادت و ضبط ورقه سی مندرجاتی و دلائل و امارات سائر ایله ثابت اولدیغندن اولوجهله مجرمیتلرینه و حرکتلرینه توافق ایدن قانون جزانک ایکی یوز یکرمنجی ماده سنه توفیقاً اوچر سنه مدته کورکه قونلرینه و مرقوماندن محمدک حین ایقاع جرمدن اون سکر یاشنی اکل ایتامش اولسی حسینه قانون مذکورک قرمنجی ماده سنه توفیقاً جزای مذکورینک نصفی اولان بریچق سنه حبسه تحویلنه و بش سنه ده ضبطه نظارتی التده بولندیرلمسده و کور ابراهیمک برائتته ۲۵ کانون اول سنه ۳۲۸ تاریخده حکم اولدیغندن عبارتدر .

تبلیغنامه ده دخی متهملر جانبندن مدافعه شاهی اولمق اوزره اقامه اولنان مضبوط الاسامی اشخاصک استماعلرینه لزوم اولدینی بیانیله عدم استماعلرینه قرار ویرلمسی یولسز و حق مدافعه نی نخل اولدینی کبی ینه بوشاهدلرک جانب ریاستدن اظهار حق شهودی صفتیه جلب ایدیلرک بالاحلف استماعلری دخی و غیر قانون اولدیغندن بحثله اعلام مذکورک جنائی جهتنک نقضی طلب اولمشدر .

اوراق دعوی بعدالمطالع حکم جانییدن دولای تدقیقات تمیزیه اجرا اولندقدن اظهار حقه مدار اولمق اوزره شاهد استماعی صلاحیتی رئیس محکمه به بخش اولمش اولوب متهملردن محمدک مدافعه شاهی اوله رق با استدعا جلب و استماعی طلب ایلدیکی کساندن حسن چاوش ایله احمدک مدافعه شاهی صفتیه عدم استماعلرینه قرار ویرلدکن صکره رئیس محکمه مخالف اولدینی حالده اعضای محکمه نک مرقومانک اظهار حقه خادم اولمق اوزره جاب و استماعلرینه قرار اعطاسی مخالف قانون اولدینی کبی متهملرک اخیراً ویردکلی استدعا ایله جلب و استماعلری طاب ایدیلان مدافعه شاهدلرینک دخی اظهار حق شاهی اولمق اوزره بلایمین استماع قلندقلری آکلاشلمش اولمسده کوره تبلیغنامه محتویاتی وارد و بجا کورلمش اولدیغندن اعلام مذکورک اصول محاکمات جزائییه قانوننک اوچیوز اون دردنجی ماده سی حکمنه توفیقاً نقضه و احکام قانونیه دائر سنده ایفای معامله اولمق اوزره اوراقنک محانه اعاده سنه وایکی یوز غروش اعلام خرجنک ایلروده حقسنر حقه جق طرفدن تحصیلنه ۱۷ تموز سنه ۳۲۹ تاریخده متفقاً قرار ویرلدی .

محکمہ تمیز جزا دائرہ سنہ ۲۹ اگستوس سنہ ۳۲۹ تاریخ ۲۳۷۵ نومرولی اعلام صورتیدر :

« فعلده تصور وتصمیمک ادله ثبوتیه سنک قرار مجرمیتده تفصیل وتوضیح ایدلامسی موجب نقضدر »

سیواس ولایتی استیناف محکمه سی جزا دائرہ سندن صادر اولان ۲۷ جمادی الاخر سنه ۳۳۱ و ۲۰ مایس

سنه ۳۲۹ تاریخلی و قرق درت نومرولی اعلام ایله اوراق منقرعه سی باش مدعی عمومیک مأموریت علیه سنک ۳۰ رجب سنه ۳۳۱ و ۲۲ حزیران سنه ۳۲۹ تاریخلی و بیک التیوز التمش الی نومرولی تبلیغنامه سیله محکمہ تمیز جزا دائرہ سنه اعطا قلمشدر .

اعلام مذکورک خلاصه مالی ؛ اوچیوز یکرمنی یدی سنه سی شباطی ظرفده دارنده نک ابراهیم پاشا محله سندن قارجی اوغلی احمدک کیفیت قتلندن طولانی جانیله اتهام اولنان دارنده قصبه سندن پایطونجی اوغلی ژاندارمه محمد بن عمر و عبدالله بک اوغلی شیخ بن عبدالله ایله نامق بک اوغلی درویش بن محمودک اجرا قلنان محاکمه لری نتیجه سنده متهمون مرقومونک سائقه خصومتله مسلحاً یولنی بکله مک صورتیه مرقوم احمدی تعقیب ایتکده لر ایکن وقعه اقشامی بر تنها سوقاقدن تصادف ایتدکلرند ژاندارمه محمدک قسطوره سنی بالتشهر اوریکز اولدیرلم دیسی اوزرینه درویش ایله شیخک روولورلرینی تشهر و انداخت ایلدکلی و بولردن شیخک سلاحنک مریمسیله جرح و قتل مذکورک وقعه کلدیکی شهادت واقع و ضبط و کشف ورقه لری وطیب راپوری مندرجاتی و دلائل سائر ایله ثابت اولدیغندن مرقوموندن شیخک تصور وتصمیم ایله قتل فعلنک فاعل مستقلی و درویش ایله محمدک دخی اولباده فرعاً ذی مدخل اولمق اوزره مجرمیتلرینه و شیخک قانون جزانک یوز یمشنجی ماده سنه توفیقاً اعدامنه و دیگرلرینک قانون مذکورک قرق بشنجی ماده سنک ایکنجی فقره سیله مذکور یوز یمشنجی ماده سی احکامنه توفیقاً اوزر سنه مدته کورکه قونلرینه ۱۳ نیسان سنه ۳۲۹ تاریخده حکم اولدیغندن عبارتدر .

سالف الذکر تبلیغنامه ده دخی فعلده تصور وتصمیمک و متهم درویشده متعدد ال سلاح اتدینی مقتولک سولسنه نظراً اصابت ایدن قورشونک مجرد متهملردن شیخک سلاحندن چیقان قورشون اولدیغنک ادله ثبوتیه سی قرار مجرمیتده تفصیل وتوضیح ایدلامش و ژاندارمه محمد اسناد اولنان فعل قضاطوره ایله احمده هجوم ایتک و احمدک قوجاغنده کی چوجنی مرقومه طوغری طومتسی اوزرینه اورمقدن صرف نظر ایلکدن عبارت بولنسده کوره مرقومک دخی فعل قتله ذی مدخل عد ایدلمسی اسبابی تصریح اولنامش اولدیغندن بحثله اعلام مذکورک نقضی طلب اولمشدر .

اوراق دعوی بعدالمطالع تدقیقات تمیزیه اجرا اولندقدن تبلیغنامه ده بروجه محزر درمیان اولسان اعتراضاتک فعلده تصور وتصمیمک ادله ثبوتیه سنک قرار مجرمیتده تفصیل وتوضیح ایدلمدیکنه و ژاندارمه محمد اسناد اولنان فعل قضاطوره ایله احمده هجوم ایتک و احمدک قوجاغنده کی چوجنی مرقومه طوغری ایدلمسی اسبابنک تصریح قلنادیغنه تعلق ایدن جهتلری کوره مرقومک دخی فعل قتله ذی مدخل عد طومتسی اوزرینه اورمقدن صرف نظر ایلکدن عبارت بولنسده مندرجات اعلامه نظراً وارد و نقض حکمی مسئلزم اسباب قانونیه به مستند اولدیغندن اصول محاکمات جزائییه قانوننک اوچیوز اون دردنجی ماده سنه توفیقاً اعلام مذکورک نقضیه احکام قانونیه دائر سنده ایفای معامله اولمق اوزره اوراقنک محانه اعاده سنه

وایکوز غروش نقض خرجنک ایلروده حقسز چیه حق طرفدن تحصیلنه ۸ تموز سنه ۳۲۹ تاریخده متفقاً قرار ویرلدی .

محکمہ تمیز استعدا دائرہ سنہ ۲۳ ضربانہ سنہ ۳۲۹ تاریخ ۸۹۶ نومرولی اعلام صورتیدر :

« جبراً فعل شنیع »

ارضروم ولایتی مرکز بدایت محکمہ سی جزا دائرہ سنندن استینافاً تنظیم و اعطا قلنان ۲۷ کانون اول سنه ۳۲۸ تاریخی وسکزیوز قرق بر نومرولی اعلامک تمیزاً تدقیق طلبنی حاوی محکمہ مذکورہ مدعی عمومیلیکی خانبدن معطی استدعاینامہ ایله اوراق متفرعہ سی باش مدعی عمومیلک مأموریت علیہ سنندن بتبلیغنامہ محکمہ تمیز استعدا دائرہ سنه تودیع ایدملکله ولدی التدقیق مذکور استدعاینامہ نک مدت معینہ قانونیہ سی ظرفندہ ویرلدیکی اکلاشلغلہ بالقبول تدقیقات تمیزیه اجراسنه ابتدار اولندی .

اعلام مذکورک زبدہ مالی امینیه جبراً فعل شنیع اجراسنه تصدی ایدلیکی ادعا اولنان ابراهیمک تجدید جزاسنی متضمن اولان حکم ابتدائیک بالفسخ برائنه دائر تنظیم قلنان اعلام استینافیک اسباب قانونیہ بناء تمیزاً نقض و اعاده ایدلسنه مبنی نقض واقعہ بالاتباع اجرا قلنان محاکمات و تدقیقات اخیرہ نتیجہ سنده مظنون مرقومک مدعیہ مزبورہ نک قائل برادرلری طرفدن حرف اندازلک مسئلہ سنندن طولای موجود اعتراض نتیجہ سی اوله رق کندوسی در دست و ضرب ایتمک و بوغازینہ ایپ طاقق صورتیه وقوعبولان تجاوزلری حسیله باغین بولندیغی اثناده خانیه ادخال ایتدکلی و بالاخره مختار و هیئت اختیاریه نک چقار دقلری یولنده عندالحاکمه سبق ایدن وشهادت واقعہ ایله تأید ایدن مدافعہ سنک عکسی ثابت اولماش و بنا برین مرقومک بروجہ ادعا جبراً فعل شنیع اجراسنه تصدی ایتدیکی برکونا دلائل ثبوتیه اقتران ایتدیکی کبی مذکور خانیه کیفیت دخولک دخی صور محرره دائرہ سننده جریان ایدن احوال و کیفیاته مستند اولسی اعتباریه مذکور خانیه بالاخیار کیردیکی دخی ثابت اولمادیغندن بختله مرقومک هرایکی فعلدن طولای برائنه قرار ویرلدیکی متضمندر .

لایحه تمیزده مظنونک مدعیہ شخصیہ امینہ نک حریمه جبراً کتورلدیکی و اورادن مضروب و بیہوش برحالده چقارلیدیکی یولنده کی بیاناتی قول مجرددن و علیهنده تفسیری مقتضی مؤل اعتراضدن و اخبارات و شهادت موجودہ یی تقویه ایدن دلائلن عبارت ایکن افادات واقعہ نک اولباده کی برائت قرارینہ سبب اتخاذ ایدلسی و علی الاخصوس نقض اعلامندہ ازائہ قلندیغی وجهله مرقومک حرکتک جبر و یا اغفالدن

وعکسی صورتده حق دخولی اولیان محله کیرمک ماده سنندن جزانک تعین و تحدیدی لزومنه دخی رعایت ایدلماش اولسی یولسز و مخالف اصول و قانون اولدیغندن بختله اعلام استینافک نقضی طلب ایدلیدیکی کبی تبلیغنامہ دخی مدعیہ مزبورہ نک خانہ سنه صورت دخولی حقندہ مظنون مرقومک بیاناتی کندی علیهنہ عائد دلیل تشکیل ایدوب جبراً خانیه ادخال ایدلش اولدیغنه دائر اسباب ثبوتیه قانونیه اولمادیغی حالده محکمہ جہ بوباده تعمیق تحقیقات ایدلمکسزین مظنونک قول مجردینه ابتداء برائی جہتنه کیدلش اولسنگ مخالفت قانونیه سنندن باحث اولان لایحه تمیزیه محتویاتنک وارد و بجا کورلیدیکی بیانیله اعلام اخیر مذکورک نقضی لزومی مرقم بولمشدر .

ایجابی لدی المذاکره مندرجات اعلامدن منقہم اولدیغی وجهله محکمہ استینافیه جہ نقض واقعہ اتباعاً اجرا قلنان محاکمه نتیجہ سننده مظنون ابراهیمک مشتکیه امینہ نک خانہ سی دروننده در دست ایدلیدیکی مرتبه شوبده اولوب انحق مظنون مرقوم کندوسی مزبورہ نک قائل برادرلری خلیل و محمد در دست ایله بوغازینہ ایپ طاققدن و عقلی زائل اولدقدن صکره اوطیه ادخال اولدیغنه دائر اولان مدافعہ سی مرقومک باغین و بیہوش و وجودندہ برہ و سیاهلق اثری کورلیدیکنک شاهدلر طرفدن بیان ایدلسیه تأید ایتش اولدیغندن بختله برائنه قرار ویرلش ایسده مظنون ابراهیمک مرقومان خلیل و محمد طرفندن جبراً خانیه کتورلدیکنه دائر اولان مدافعات واقعہ سی تأیید صورتندہ برکونا اخبار اولمادیغی جہتنه مدافعہ مذکورہ نک اسباب و دلائل ثبوتیه قانونیه سی کوسرتمک صورتیه ایشک قراره ربطی لازم کلورکن مرقومک افاده مجردہ سنه بناء بروجہ محرر برائت قراری ویرلمی یولسز و مغایر اصول و قانون اولوب تبلیغنامہ مندرجاتیه لایحه تمیزیه مؤادسی وارد و بجا کورلش ایدوکندن اصول محاکمات جزائیه قانونک اوچوز اون دردنجی و اوچوز اون ظقوزنجی ماده لری منطوقجہ اعلام اخیر استینافیک دخی بوسبدن دولای نقضیه احکام قانونیه دائرہ سننده ایفای معامله اولنق اوزره اوراق دعوانک محکمہ محلیه اءده سنه وایکوز غروش اعلام خرجنک تعرفه و تعلیمات مخصوصه سنه توفیقاً ایلروده ایجاب ایدن طرفدن اخذ و استیفاسنه ۱۸ مایس سنه ۳۲۹ تاریخنده متفقاً قرار ویرلدی .

محکمہ تمیز استعدا دائرہ سننده صادر اولاره ۲۴ ضربانہ سنہ ۳۲۹ تاریخ ۳۰۴ نومرولی اعلام صورتیدر :

« بلارخصت بیانقو کشیده سی »

قره سی سنجای بدایت محکمہ سی جزا دائرہ سنندن استینافاً تنظیم و اعطا قلنان ۲۶ نیسان سنه ۳۲۸ تاریخ و یوزاون درت نومرولی اعلامک تمیزاً تدقیقنی مستدعی جورجی اطناشادی جانبندن معطی استدعاینامہ ایله اوراق متفرعہ سی باش مدعی عمومیلک مأموریت علیہ سنندن بتبلیغنامہ محکمہ تمیز استعدا دائرہ سنه تودیع

اولنمش ولدی التدقیق مذکور استدعای نامہ نك مدت قانونیه سی ظرفده اعطا و شرائط لازمه سائرہ سنك دخی ایفا قلندیغی آکلاشلمش ایدوکنندن بالقبول تدقیقات تمیزیه اجراسنه ابتدار ایدلدی .

اعلام مذکورك خلاصه مالی بالا رخصت پیاوقو کشیده ایلدیکی ضبط ورقه سی مندرجاتی وطوتیلان اشیا و پیاوقو دفتری ایلہ مرتبه ثبوتده کوریلان مستدعی جورجی اطناشیادیك قانون جزانك ایکی یوز قرق اوچنجی ماده سی حکمنه توفیقاً برماه مدتله حبسه و برلیرا جزای نقدی اخذینه و نقود ایلہ پیاوقویه وضع اولنان قوچك جانب میرییه تسلیمنه دائر بدایه لاحق اولان حکمك تصدیقی حاوی تنظیم واعطا قلنان اعلام استینافینك اسباب قانونیه دن ناشی نقض و اعاده اولنمش اوزرینه بالاتباع اولبابده اجرا قلنان محاکمه و تدقیقات استینافیه نتیجه سنده اصول وقانونه موافقتندن بالابحث تصدیقه قرار ویرلدیکی متضمندر .

تمیز لایحه سنده تشبث درجه سنده قلوب کشیده سنك اجراسیله تمام اولمادیغی ثابت اولان فعل مذکوردن دولانی تحدید جزاسنی متضمن اعطا قلنان حکم ابتدائینك عندالاستیناف تصدیقی جهتنه کیدلمسی مغایر قانون ایدوکنندن بحثله اعلام اخیر استینافینك دخی نقضی استدعا اولنمش و تبدیغنامه ده دخی اعلام سابقده موجود نواقص نقض واقعه تبعاً اکیال ایدلمش ولایحه تمیزیه ده اساس دعوا دن بحثله سرد اولنان اعتراضات غیر وارد بولنمش ایدوکی بیانیله ردی لزومی کوسترلمشدر .

ایجابی لدی المذاکره اوراق متعلقه مندرجاتندن استنباط اولندیغی وجهله بالا رخصت پیاوقو کشاد ایلدیکی ادعا اولنان جورجی اطناشیادیك پیاوقویه قویق ایستدیکی حیوانی نومرورلیله کشیده ایدوکلره تسلیم ایتهمش اولمنسه نظراً فعل و حرکتی تمام اولمشمیدر یوقسه تشبث درجه سنده می قلمشدر بورالری شایان تأمل و ملاحظه بولنمش ایکن بوجهتک نظر دفته آلتقمسزین مرقومك بروجه محرومیتی جهتنه کیدلمسی کبی درجه اولی محکمه سنجه وقوعه کلان خطیئات نقض واقع اوزرینه اجرا قلنان محاکمات و تدقیقات استینافیه اثناسنده نظر دفته آلتهمرق اکا کوره اتخاذ قرار اولنمش لازم کلورکن عندالاستیناف بوجهته عطف نظر دقت اولنمشزین اولبابده کی حکم ابتدائینك موافقت قانونیه سنندن بحثله تصدیق اولنمش یولسز و مستلزم نقض احوال دن اولوب لایحه تمیزیه موداسی بوصورتله وارد و بجا کورنمش ایدوکنندن اصول محاکمات جزایسه قانوننك اوچوز اون دردنجی و اوچوز اون طقوزنجی ماده لری احکامنه توفیقاً اعلام اخیر استینافینك دخی سبب مذکورده بناءً تقضیله احکام قانونیه دائرہ سنده ایفای معامله اولنمش اوزره اوراق متعلقه سنك محکمه مذکورده و تمیز جزای تقدیمی اوله رق مقدما مال صندوقه تودیع ایدلمش اولان بش لیرانك اصول مذکورك اوچوز قرق اوچنجی ماده سی موجبنه مستدعییه اعاده سننه و ایکی یوز غروش اعلام خرجك تعرفه و عملیات مخصوصه سننه توفیقاً ایلروده حقسنز حقیقه جق طرفدن استیفاسنه ۱۱ مایس سننه ۳۳۸ تاریخده اکثریتله قرار ویرلدی .

حکم تمیز استدعا دائرہ سنده صادر اولاره ۲۵ صفراره سنه ۳۲۹ تاریخلی و ۹۶۶ نومرولی اعلام صورتمشدر :

« محکمه استینافیه جه شایان قبول کورلیان اعتراضات استینافیه نك ردنی استلزام ایدن احوال و کیفیاتك بیان و تصریحی احکام قانونیه یه توفیق معامله لزومندن ذهول ایدلمسی موجب نقضدر »

یوزغاد سنجایغی استیناف محکمه سی جزا دائرہ سنندن تنظیم واعطا قلنان ۲۴ نیسان ۳۲۹ تاریخ و یوز اونوز نومرولی اعلامك تمیزاً تدقیقی مستدعی محلی اورمان اداره سی جانبندن معطی استدعای نامہ ایلہ اوراق متفرعه سی باش مدعی عومیلک مأموریت علیه سنندن باتبلیغنامه محکمه تمیز استدعا دائرہ سننه تودیع اولنمش ولدی التدقیق مذکور استدعای نامہ نك مدت معینه قانونیه سی ظرفده اعطا قلندیغی آکلاشلمش اولدیغندن بالقبول تدقیقات تمیزیه اجراسنه ابتدار اولندی .

اعلام مذکورك خلاصه مالی میری اورمانندن بالا رخصت اشجار قطع ایلدکری ادعاسیله مظنون علیهما اولان حسین ایلہ ابراهیم حقنده تنظیم قلنان ضبط ورقه سی مندرجاتی تعریفات قانونیه یه موافق اولمادیغی و بو بابده کشف و معاینه اجرا اولندیغنه دائر قیده تصادف اولنه مدیغی کبی شاهدلرک بر قسمی مندرجات ورقیه و اتق اولیه رق تحیم ایتمش اولدققرنی و شاهد تللی سلیمان کهیا دخی موجود اولان کوتوکلری مظنونلر کندی ترلارلرندن اخراج ایدوب اوچواردده میری اورمانی بولمادیغی بیان ایش و مذکور کوتوکلرکده زرده دن و کیمك طرفندن قطع ایلدیکی آکلاشیلهمامش اولمنندن ناشی مظنون مرقومانك برائتیرینه دائر بدایه لاحق اولان حکم علیهنده اورمان اداره سی جانبندن اقامه اولنان استیناف دعواسنك سبق ایدن تدقیقاتی نتیجه سنده مظنون مرقومان حققرنده بدایه جریان ایدن محاکمه اصول وقانونه موافق و اعتراضات مسروده نك مندرجات اعلامه نظراً غیر وارد بولنمش ایدوکنندن بالبحث ردیله حکم مذکورك تصدیقه قرار ویرلدیکی متضمندر .

تمیز استدعای نامہ سنده عندالاستیناف درمیان ایلدیکی اعتراضاتك اسباب قانونیه سردیله رد ایدلمیه رك حکم ابتدائینك تصدیق ایدلمسی مغایر قانون ایدوکنندن بحثله ذکر اولنان اعلام استینافینك نقضی استدعا قلندیغی کبی تبلیغنامه ده دخی مقررانك اسباب موجبیه مستند اولمسی مقتضیات قانونیه دن ایکن بلا اسباب موجب حکم ابتدائینك تصدیق ایدلمسی یولسز و مخالف قانون اولوب تمیز استدعای مندرجاتی بو طریقله وارد و بجا اولدیغی بیانیله مذکور اعلامك نقضی لزومی کوسترلمشدر .

ایجابی لدی المذاکره مندرجات اعلامدن مفهم اولدیغی وجهله میری اورمانندن بالا رخصت اشجار قطع ایتدکری ادعا اولنان حسین ایلہ ابراهیمك برائتیرینه دائر بدایه ویریلان - کم علیهنده دعوی استینافیه قیام ایدن اورمان اداره سی جانبندن معطی لایحه ده تعیین ماده صورتیله درمیان اولنسان اعتراضاته استناداً قرار مذکورك مخالفت قانونیه سنندن بحثله فسخی طلب و ادعا قلندیغی حالده محکمه استینافیه جه شایان قبول کورلیان اعتراضات استینافیه نك ردنی استلزام ایدن احوال و کیفیاتك بیان و تصریحی صورتیله قرار واقعت اسباب

موجهیه استنادی امرنده کی احکام قانونیه توفیق معامله لزومندن ذهول ایدلسی یولسز ومغایر اصول وقانون اولوب تمیز استدعایه سی مؤداسی تبلیغامه ده دخی کوسترلیکی اوزره بوصورتله وارد وبجا کورنمش ایدوکندن اصول محاکات جزایه قانونک اوجیوز اون دردنجی واوچیوزاون طقوزنجی ماده لری منطوقجه سالف الذکر اعلام استینافینک سبب مذکور بناء نقضیه احکام قانونیه دأتردسند ایفای معامله اولمق اوزره اوراق دعوانک محانه ائاده سینه وایکیوز غروش اعلام خرجنک تعرفه وتعلیمات مخصوصه سی حکمنه توفیقاً ایلروده حقسنر حقیقه حق طرفدن استیفاسنه ۱ حزیران ۳۲۹ تاریخنده متفقاً قرار ویرلدی .

غنائم بحریه دیوان استینافی اعلامی

غنائم بحریه دیوانه استینافنده صادر اولره ۴ مایس ۳۲۹ تاریخنی و ۹ نومردی اعلام صورتنیر :

فرانسه دولتی تبعه سندن موسیو مارق ریغونک متصرف اولوب تبعه یونانیه دن سابق صاحب لرینک عهده تصرفلرنده بولندیغی ظنیه وحکومت سینه ایله بلغار ویونان وقره طاغ وصر بستاندن مرکب بالقان حکومات متفقه سی بیننده متحدث حال حرب حسیله ضبط ومصادره ایدیلن اوده سی نام رومور کورک ضبط ومصادره سنک مشروعیته دأتر درسعادت غنائم بحریه محکمه سندن ۱۰ کانون ثانی سنه ۳۲۸ تاریخنده صادر اولان حکم اعلامک استینافانددیقی طلبنی متضمن اولوب موسیو مارق ریغونک باسند مصدق وکیلی ایساق خران امضاسنی محتوی ۱۹ کانون ثانی سنه ۳۲۸ تاریخنده درسعادت غنائم بحریه محکمه سینه اعطا و محکمه مذکورده دن ۲۸ کانون ثانی سنه ۳۲۸ تاریخنده غنائم بحریه دیوان استینافنه تودیع واسرا قلنه رق دفتر مخصوصک سکر نومرو سینه قید ایدیلن استدعا اوزرینه سنه حالیه مارتنک طقوزنجی کونی مستأنف موسیو مارق ریغو وکیلی خران افندی ومستأنف علیه حکومت سینه قومیسری محکمه استیناف مدعی عمومیلکی باش معاونی سعدی بک محکمه تمیز هیئت عمومیه سینه مخصوص سالونده رئیس کاظم واعضا حسین حسنی وجعفر الهامی ونوری ووصاف ومنیر واسماعیل سزائی بک افندیلردن مرکب اولدیغی حالده انمقادیدن غنائم بحریه دیوان استینافی حضورینه کلش اولملریله دولت مشار الیها سفارتی ترجانلردن موسیو دیقرا ن حضوریه محاکمه یه مباشرت ولدی التدقیق مذکور استدعایه نک اعطا ایدیلکی اکلشلمسنی متعاقب سالف الذکر استیناف استدعاسیله اعلام مستأنف به ولایحه استینافیه واوراق سائر قرائت اولندی .

استیناف استدعایه سنک خلاصه مالی : فرانسه دولتی تبعه سندن موکلی موسیو مارق ریغونک متصرفی اولوب تبعه یونانیه دن بولان سابق صاحب لرینک عهده تصرفنده بولندیغی ظنیه ضبط و مصادره ایدیلن

اوده سی نام رومور کورک ضبط و مصادره سنک مشروعیته دأتر درسعادت غنائم بحریه محکمه سندن ۱۰ کانون ثانی سنه ۳۲۸ تاریخنده صادر اولان قرار مخالف اصول و قانون بولنش اولدیغندن فسخیله مصادره واقعنک عدم مشروعیته قرار ویرلسی طلبنی حاوی بولمشدر .

اعلام مستأنف بهک خلاصه مندرجاتی : حکومت سینه ایله دول متفقه بیننده متحدث حال حرب حسیله ضبط و مصادره ایدیلن تبعه یونانیه دن نیقوورنیقونک متصرف اولدیغی اوده سی نام رومور کورک ضبط ومصادره سی کیفیتنک تحت حکمه آلمسی درسعادت غنائم بحریه قومیسر لکی جانبندن طلب ایدلسنه مبنی مرقوم نیقوورنیقونک غیابنده منازع فیه رومور کورک برقطعه بیغنامه موجبجه عهده تصرفنده بولندیغندن بالبحث داخل دعوی اولان فرانسه دولتی تبعه سندن موسیو مارق ریغونک وجاهنده دولت مشار الیها سفارتخانه سی ترجانی موسیو ویلقووک حضوریه اجرا قلان محاکمه نتیجه سنده ۱۹۱۲ سنه سی ایلونک یکریمی برنده مانویل . ژ . متریقعه ونیقوله آ . ورنیقونک متصرف اولدقلری اون طونیلاتو ویکرمی ساتیم استیعابنده یونان باندیردسنی حامل اوده سی نام رومور کورک بالجله تفرعات و ماکنه ومشمولات سائر سی ایله حال حاضری اوزرینه کافه دیون وتعهد ورهندن عاری اوله رق تکمیل و حسن رضالریله درسعادت یونان قونسولوسخانه سی حضورنده فرانسه دولتی تبعه سندن موسیو مارق ریغویه بیک عدد عثمانلی لیراسی بدل مقابلنده بیع و فروخت ایدره ک بدل مذکور هربری حصه لری نسبتنده اولمق اوزره بایع یدندن اخذ وقبض ایدوب کافه حقوقلردن فراغت ایتدکلرینی ومذکور رومور کورک بوندن بویه صاحب محقی ومطلق موسیو مارق ریغو اولدیغنی بیان ومشتتری موسیو مارق ریغو دخی بالمعاینه مطلوبه موافق بولمق اولدیغنی جهته مذکور رومور کورک عقد بیعی قبول و رومور کوری ید تصرفه آلمش و رومور کور بدل مذکور قارشو مرهون ویاسائر کونه تعهد تحتنده بولندیغی حالده بوندن دولای وشخص ثالثه قارشو هرکونه مسئولیت و تعهدی درعهده ایلدیکنی مبین ۲۱ ایلول ۱۹۱۲ تاریخنده مذکور یونان قونسولوسخانه سی حضورنده تنظیم و ۵ تشرین اول ۱۹۱۲ تاریخنده فرانسه دولت فخمیه سی قنچلاریاسنده معامله لازمه وتصدیقه سی اجرا قلندیغنی متضمن برقطعه بیغنامه ابراز ومذکور رومور کوره شو وجهله مالک اولدیغنی ادعا ایله برابر محارب دولت تبعه سینه عاذا اولدیغنی فرض اولسه بیله بوکی مراکب صغیره نک مصادره سی مشروع اوله میه جفی وبیوک سفائن ایچون دخی بولندیغنی لیماندن سر بستجه چیقمسی ایچون برمه ل اعطاسی اقتضا ایده جکی لاهی قونفرانسی جمله مقرراتندن ایدوکنی بیان وحکومت قومیسری دخی حین مصادره کمی دروننده صفت تابعیه دأتر اوراق مثبت بولنه مدیغنی ومعامله بیع وفراغ سفر برک اعلانی زمانه تصادف ایدره معامله واقعه مصادره دن قورتارمق املیه واقع اولدیغنی بیک طقوزیوز طقوز تاریخنی لوندره مؤتمربحریمی بیاننامه سینه اعلان حربدن بر آی اول وقوع بولان بیع وشرانک غیر معتبر ایدوکنی اتیان ایللری اوزرینه محکمه جه موسیو مارق ریغونک مذکور رومور کوری قصد تجارت ومنفعته اشترا ایلدیکی وبیع مذکور مواضعدن

عاری اولدینی اکلایشدن صکره ایجاب کیفیت مذاکره ایدیه رک اعلان حربک امر محقق اولدینی بر زمانده یعنی ۲۱ ایلول ۳۳۸ تاریخده مصادره دن قورتارمق ایلله فرانسه تبعه سندن موسیو مارق ریغویه صاتیلدینی بیان اولنان و عدم مرعیتی تعین ایدرک دشمن تبعه سنه عا د سفینه عد و اعتباری ایجاب ایدن مذکور اوده سیا رومر کورینک ضبط و مصادره سنک مشروعیته قرار ویرلدیکی محتویدر .

استیناف لایحه سنک زبده مالی دخی : اوده سیا رومر کورینک ضبط و مصادره سندن خبردار اولان موکلی موسیو مارق ریغو مذکور رومر کورک بر قطعه بیعنامه رسمی ایلله صاحب حقیقی و متصرف مطلق اولدیغدن و عقد بیعک اعلان حربدن و محاصراتدن مقدم بولندیغدن بحثله غنائم بحریه محکمه سنه مراجعت ایتیش ایسه ده بیع مذکورک فسادویا بطلانی حقنده تدقیقات قانونیه ده بولمقسزین ضبط و مصادره سنک مشروعیته قرار ویرلمسی استحقاق دعواسنک ردیا قبولی متضمن بر قرار اتحاد اولنامسی و محارب دولتلر تبعه سنه عا د بولنان سفائنک بیلله قبل الحرب بولندقلری محلی ترک ایتلمی حقنده بر محل اعطا اولنامسی منافی احوال و قاعده اولدیغدن اعلام مستأنف بهک فسخیله موکلنک عهدۀ تصرفده بولندیغی بیعنامه و فرانسه بایراغی ایلله سیروسفر ایده جکنه دائر استحصا ایلدیکی مأذونیتنامه ثابت اولان مذکور رومر کورک ضبط و مصادره سنک عدم مشروعیته قرار ویرلمسی طلبدن عبارتدر .

لدی الاستجواب مستأنف وکیلی خران افندی لایحه استینافیه مندرجاتی توضیح و تکرار ایلله مذکور رومر کورک سابق متصرفلری طرفدن ۲۱ ایلول ۱۹۱۲ تاریخده یونانی قونسولاتوسنده عقد ایدیلن مقالوله نامه موجبجه موکلنه فروخت ایدلمش و موکلی مارق ریغو سفینه یه فرانسیز بایراغی کشیده ایتک اوزره مأذونیتنامه آلمق ایچون فرانسیز قونسولاتوسنه مراجعت ایدرک ۵ تشرین اول ۱۹۱۲ تاریخده بیع مذکور تصدیق اوله رق اوراق متفرعه سی علی الاصول فرانسه یه کوندراش و بناء علیه سالف الذکر رومر کورک موسیو مارق ریغویه عا دتی رسمی مقالوله نامه و فرانسه بایراغی ایلله سیروسفر ایده جکنه دائر اولان مأذونیتنامه ایلله ثابت اولوب بیطرف دولت تبعه سنه عا د سفائنک ایسه ضبط و مصادره سی غیر جائز بولنش اولدیغدن اعلام ابتدائینک فسخیله مصادره واقعه نک عدم مشروعیته قرار ویرلمسی طلب ایتیش و مستأنف علیه حکومت سنیه قومیسری سعدی بک مستأنف وکیلی طرفدن درمیان اولنان اسباب بدایت محکمه سنجه اسباب موجب ایلله رد ایدلمش اولدیغدن غیر وارد ایدوکنی و معامله واقعه نک زمان اجراسی ویرکونده اون بر سفینه نک بردن اشترا ایدلمسی بیع مذکورک حقه مقرون اولمایوب مصادره دن قوتارمق مقصدیه اجرا ایدلدیکی اثباته کافی اولدینی و بعض حکومتلر بیننده وقوعه کلن محارباتده محل اعطا اولنش ایسه ده بونک متقابلاً اعطا ایدلدیکی و ایتالیا محاربه زائله سنده دخی مدت اعطا اولدینی و لاهی صلح قونفرانسده اتحاد اولنان مقررات تمیندن عبارت اولوب واجب الرایه اولمدینی بالیان موافق اصول و قانون اولان حکم ابتدائینک تصدیقی طلبی درمیان ایش و لدی السوال طرفینک بشقه دیه جکلری اولمدینی اکلایشمش اولغله

ختم محاکمه بالتفهیم ایجاب کیفیت مذاکره سی سنه حالیه مارتنک اون آلتنجی کوننه تعلیق اولندی .

یوم معین مذکورده غنائم بحریه دیوان استینافی رئیس کاظم واعضا جعفر الهامی و نوری و وصاف و منیر و اسماعیل سزائی بک اقدیلردن تشکل ایدرک دولت مشار الیها ترجائی موسیو ویلقوق حاضر اولدینی حالده ایجاب کیفیت لدی المذاکره : حکومت عثمانیه ایلله دول متفقۀ اربعه بیننده متحدث حال حرب حسیبله در سعادت لیان دائره سنده متشکل قومیسون مخصوص جانبندن ضبط و مصادره ایدیلن و یونان دولتی تبعه سندن مانویل . ژ . میتریق و نیقوله آ . ورنیقو نامنه مقید اولوب ۲۱ ایلول ۱۹۱۲ تاریخده فرانسه دولتی تبعه سنده موسیو مارق ریغویه صاتیلدینی مبرز سندده بیان اولنان اوده سیا نام رومر کورک حقنده واقع اولان بیعک عدم مرعیتی جهتیه دشمن تبعه سنه عا د و اعتبار اوله رق ضبط و مصادره سنک مشروعیته دائر در سعادت غنائم بحریه محکمه سندن صادر اولان حکم اعلامک استینافاً تدقیقی مومی ایلله فرانسه لی موسیو مارق ریغو وکیلی طرفدن طلب ایدلمسه مبنی اجرا قلنان تدقیقات و محاکمات استینافیه نتیجه سنده سالف الذکر سفینه نک ۲۱ ایلول ۱۹۱۲ تاریخده یونان حکومتک در سعادت جنرال قونسولاتوسنده تنظیم اولوب ۵ تشرین اول ۱۹۱۲ تاریخده فرانسه دولتنک در سعادت جنرال قونسولاتوسندن تصدیق و معامله لارمه سی اجرا قلنان بر قطعه بیعنامه موجبجه مومی ایلله موسیو مارق ریغویه صاتیلدینی اکلایشمش و سند مذکورک و عاده موافق اوله رق تنظیم و اعطا قلندیغی و بیع مذکورک بالجمله قیود و شروط قانونیه یی جامع اوله رق منعقد اولدینی مندرجاتندن نمایان اولدینی کبی کرک درجه اولی محکمه سنجه و کرک عند الاستیناف اجرا قلنان تدقیقات عمیقۀ نتیجه سنده طرفین بیننده مواضعه و وقوعه دلالت ایده جک احوال و بیعک فساد و بطلانی موجب اسباب سائرۀ قانونیه غیر موجود بولنش و کرچه ۱۹۰۹ تاریخی لوندردۀ مؤتمر بحریسی بیاننامه سنده اعلان حربدن مقدم بر آی ظرفنده معاملات بیع و شرانک معتبر اوله میه جفی محرر اولوب فی الحقیقه بوکی احوال فوق العاده ده بایع لک حال و موقعلری ایجابجه شبهه لی مدت ظرفنده معاملات بیع و شرانک وقوعی حسن نیته مقرون اولیه رق حاصل اولان ضرورته بناء مال قاجیرمق مقصدینه مستند بولنه جغه دلالت ایتکده ایسه ده اشبو شبهه لی مدتک اعلان حربدن قاچ کون اوله مصروف اوله جغه دائر صراحت قطعه موجود اولیوب آنجق بعض معاملات تجاریه ده شبهه لی مدتک اون کوندن عبارت اولدینی تجارت بریه قانوننک یوزاللی سکرنجی ماده سنده مصرح بولمنسه نظراً ماده مذکوره مؤداسنک خصوصات ماثله ده دخی دستور تطبیق اتخاذی موافق و شو حالده اعلان حربدن صکره ویا آندن اون کون اول مراکب بحریه یه متعلق اوله رق وقوعه کلن بیع و شرا معامله سنک غیر معتبر عدی ماده مذکوره ایجابات حکمیه سنه مطابق کورلمش و بوبابده کی معامله بیعیه نک ۵ تشرین اول ۱۹۱۲ تاریخده فرانسه قونسولاتوسندن تحت تصدیقه اقتران ایتدیکی مذکور بیعنامه ده محرر شرحدن نمایان اولوب اعلان حرب تاریخی اولان ۱۷ تشرین اول ۱۹۱۲ تاریخه نظراً بیع مدعایه نک اعلان حربدن اون ایکی کون اول وقوعه کلدیکی تحقق ایتیش اولغله شو قاعده یه مخالف اولان حکم ابتدائینک

فسخه وقوميسيون مخصوص طرفندن وقوع بولان ضبط ومصادره سبب قانونى زعمنه مستند اولمق اعتباريله ضرورزيان طلبه حق وصلاحيتى اولماق اوزره مذكور روموركورك برموال محرر صاحب حقيقى اولدينى تين ايدن مستأنف موسيو مارق ريغويه اعاده سنه ۱۵ جمادى الاخره سنه ۳۳۱ و ۴ مائس سنه ۳۲۹ تاريخنده اكثريله وجاهاً قرار ويريلهرك طرفينه تفهيم قلندى .

شورای دولت مضطربى

شورای دولت مختلف مریع انجمنك ۱۴ خور سنه ۳۲۹ تاريخى مضطربى صورتير

«رژى مأمورلرينه ايفاي وظيفه ائسانسده حقارت ايدنلره، مأمورين دولته عين وجهله حقارت ايدنلر كي جزا ترتيب اولمى بالعموم رژى مأمورلى ايچون دكلدر»

رخصت رسميه مستنداً زرع اولنان توتونلرى فضولاً قلع ايتك ماده سندن طولاي مظنون عليهم اولان رژى نخلرندن محمدعلى افندى ايله رفقاسى حقلرنده كي تحقيقاتك مرجع اجراسى خصوصنده قدره قضاسى عدليه وملكه مستنطقلى بيننده تحدث ايدن اختلافك حلى ضمننده ايزميت متصرفلندن مرسل اوراق انجمن اختلافه حواله اولمى تميز مدعى عموميلكندن يازيلان مطالعه نامه ايله برابر اوقوندى .

عدليه مستنطقك قرارنامه سنده اچه اووه ناحيه نك صباچيلر قريه سندن بكتاش اوغلى دامادى ابراهيمك بارخصتنامه زرع ايتمش اولدينى توتون محصولى بلارخصت زرع ايتمش نظريه باقيله رق قلع ايتك فعليله مظنون عليه اولان رژى تحرير مأمورى محمدعلى افندى مأمورين ملكه دن معدود وارتكاب ايتديكى جرمد وظيفه سندن متولد وايشده ده آحاد ناسدن كيمسه بولنامه سنه نظراً بوابده كي تحقيقاتك جهت ملكيه راجع ايدوكى وملكه مستنطقك قرارنامه سنده دخى مظنون مومى ايله اوچيوز يكرمى سكر سنه سنده حصوله كلن توتونلرك تحريرى ايچون رژى اداره سى طرفندن موقتاً تعيين اولمش مأموريندن بولمى ومومى اليك بر شركت آدمى اولمى حسبيله مأمورين ملكه دن معدود اولميه جنى و بوابده كي ضرر وزيانك تضمينه حكم اعطاسى ايسه جهت عدليه عائد اولوب كرك ابراهيمك وكرك مظنون عليهمك آحاد ناسدن اولملرى جهتيله اجراى تحقيقات ومحاكمه لرى جهت عدليه عائد بولندينى وتميز مدعى عموميلكنك مطالعه نامه سنده ايسه رژى اداره سى انونيم شركتى صفتيله متشكل مشترك المنفعه بر شركت تجاريه اولوب دوائر رسميه دن اولمامسنة ومأمورينك دخى مأمورين دولتن اولمدينى انجمن اختلافك جمله مقرراتندن بولنديغه بناءً اوچيوز يكرمى سكر سنه سنده حصوله كلن توتونلرك رژى اداره سى جانبندن اجراى تحريره

موقتاً مأمور ايدلمش اولان محمدعلى افندى ايله رفقاسنك دخى قرار معروضه توفيقاً ايجاب ايدن تحقيقات ومحاكمه لرينك جهت عدليه جه اجراسى درميان قلمشدر .

اقتضاسى لى المذاكره تعيين مرجع خصوصنده مدعينك دكل مدعى عليه ويامظنون عليهمك صفى حائز تأثير اولمغه موضوع بحث اولان دعواده مظنون عليه بولنان رژى مأمورلرينك مأمورين دولتن بولنوب بولمقلرينك تعيينى لازمده دن اوله رق رژى شركتى على العاده شركات تجاريه دن معدود بر شركت اوليوب دولته مشترك المنفعه ونيم رسمى بر دائره حالده بولندينى ومأمورلرينك وظائف مأمورلرينه متعلق جرملرندن طولاي محاكمه لرى محاكم اداره ده رؤيت ايدلمكده اولدينى ورژى مأمورلرينى ايفاي وظيفه ائسانسده تحقير ايدنلر حقلنده مأمورين سائر دولته ايفاي وظيفه صره سنده حقارت ايدنلر كي جزا قانوننك يوز اون دردنجى ماده سى تطبيق اولمقده ايدوكى جهتيله رژى مأمورلى مأمورين دولتن عد اولمق وبناءً عليه مومى ايله محمدعلى افندى ايله رفقاسنك وظيفه مأمورلرينه تعلق ايدن دعواى مبحوث عنانك تحقيق ورؤيتى محاكم اداره يه عائد بولمق لازم كله چكى اوچرأى طرفندن درميان اولمش ايسده رژى شركتى اساساً بر شركت تجاريه ورسوم دولتن برينك ملتزمى اولوب شرائط امتيازيه ميانه داخل مشترك المنفعه قيدي ماهيت اصليه سنى تغيير ايدميه جكنه بناءً شركت مزبورده ني دائره رسميه ومأمورلرينى مأمورين دولتن عدايتك طوغرى اولميه جغندن ورژى مأمورلرينه ايفاي وظيفه ائسانسده حقارت ايدنلره مأمورين دولته عين وجهله حقارت ايدنلر كي جزا ترتيب اولمى بالعموم رژى مأمورلى ايچون اولماقيله برابر بونوع حمايه يه مظهر اولان رژى مأمورينك تسهيل وظيفه سى مقصدينه معطوف بر معامله استثنائيه اوله رق استثنال ايسه موردنه مقصور اولمى مقيس عليه اولميه جنى مثلاً موضوع بحث مسئله دخى سند اتخا ايديله ميه جكندن آحاددن اولمق لازم كلن رژى مأمورلى عليهم اقامه اولنان دعاوى ولو خدمتلرندن منبعث بولنسون قواعد عموميه تابع اولمى لابد بولمى سيله مومى ايله محمدعلى افندى ايله رفقاسى حقلنده كي دعواى مزبورده نك مرجع تحقيق ورؤيتى محاكم نظاميه اولديغندن تميز مدعى عموميلكنك مطالعه نامه سنده دخى درميان اولندينى اوزره عدليه مستنطقك اصابت قانونيه كوريله مين عدم وظيفه قرارينك فسجيله مومى اليهم حقلرنده جهت عدليه جه تعقيات قانونيه دوام اولمق اوزره اوراق دعوانك عدليه نظارتنه ارسالى وداخليه نظارتنده معلومات اعطاسى تذكر واوراق مزبورده لفاً تقديم قلندى .

شورای دولت تعيين مریع انجمنك ۱۴ اغستوس ۳۲۹ تاريخى مضطربى صورتير

«رشوت اخذى حقلنده»

رشوت اخذى و خلاف اصول حبس اشخاص فعليله مظنون عليه اولان ميخاليججق قضاسى قائم مقام

وکیلی حایقازون افندی حقهده اجرایی مقتضی تحقیقاتک مرجعی خصوصنده کوتاهیہ سنجائی هیئت اتهامیه سیله انقره ولایتی ملکیه مستنطقی بیننده تحدت ایدن اختلافک حلّی ضمنده اوراقلک تقدیم قلندیغنی متضمن عدلیه نظارتک شورای دولته حواله بیوریلان ۳۲۹ حزیران ۳۲۹ تاریخ و بکرمی نومرولی تذکرهسی وملفوفلری انجمن اختلافه تودیع اولنمسیله شورای مذکوره تمیز مدعی عمومیلکنندن یازیلان مطالعهنامه ایله برابر قرائت اولندی. مضبطه اتهامیه مألنده مومی الیه اسناد اولنان جرم جرائم عادیه وشخصیه دن اولمنسه ورا عدایدیلان شربک جرمک آحاددن بولمنسنه نظراً تحقیقاتک اجرایی ماده منفردۀ قانونیه موجبنجه جرمک وقوع بولدیغنی قضائک تابع اولدیغنی عدلیه مستنطقلکنه عادیّتی بیان و ملکیه مستنطقک قرارنامه سنده ایسه مومی الیه اسناد اولنان افعالک جملهسی وظیفه مأموریتندن متولد اولمق اعتباریله اجرای تحقیقات ومحاكمهسی جهت ملکیهیه راجع بولندیغنی اتیان وتمیز مدعی عمومیلکنک مطالعه نامه سنده دخی مومی الیهک کرک کورلیک قریه سنک کویل اوغلی خلیلدن معینسزک مضبطه سنک استحصالی ایچون رسم نامیله ایکی یوز غروش اخذ ایلسندن طولای شریک جرم صفتیله مظنون علیه اولوب آحاد ناسدن بولنان راشی خلیله تبعاً کرک مال مدیری کیغورق فکری افندی یی ضرب و خلاف اصول حبس ایتسی ماده سندن ناشی بو فعللرک جرائم عادیه وشخصیه دن عبارت بولمنسنه بناءً اجرای محاکمهسی محاکم عمومیهیه عائد اولدیغنی درمیان قلمشدر .

اقتضای لدی المذاکره مسئلهده راشی بولندیغنی وضرب و حبس کیفیتیه محل مأموریتنده وظیفه مأموریتی ایفاء واقع اولوب جرم عادی قیلندن اوله میه جنجی جهته مومی الیه حایقازون افندیکن بو فعللرندن طولای محاکمهسی جهت ملکیهیه عائد بولندیغنی بررأی طرفندن درمیان اولنش وفی الحقیقه رشوت ماده سنده مرقوم خلیلک معصومیت ویا مجرمیتی تحقیقات نتیجه سنده اگلاشیله بیله جک خصوصاتدن اوله رق مومی الیهک بوفعلنده آحاددن شریک جرمی اولدیغنی کسدریله مز ایهده مال مدیری کیغورق افندی یی ضرب و حبس ایتسی تدقیقات واقعهیه نظراً وظیفه مأموریتنه غیر متعلق جرائم عادیه دن بولمنسی جهتیله حقهده اسناد اولنان افعالک قاعدهً بالتوحید محاکم عدلیهده محاکمهسی مقتضی بولندیغندن تمیز مدعی عمومیلکنک سالف الذکر مطالعه نامه سنده دخی کوسترلیدیکی اوزره جهت عدلیهجه تعقیبات قانونیهیه دوام اولمق اوزره اوراق دعوانک عدلیه نظارتنه ارسالی وداخلیه نظارتنهده معلومات اعطاسی اکثریتله تذکر واوراق مزبوره لفاً تقدیم قلندی.

شورای دولت اضمحلاف مربع انجمنک ۱۴ اغستوس سنه ۳۲۹ تاریخلی مضبطه صورتیدر

« مجلس اداره نک اداره قسمیله محکمه عدلیه میاننده حادث اولان اختلافک

تدقیق وفصلی انجمن اختلافک وظیفهسی خارجندهدر »

خلاف تنبیه حرکتلرندن طولای مظنون علیه اولان آق شهرک میدان محله سنده حمام مستأجری آفاق

اوغلی عبدالرحمن ورفقاسی حقهده لازم الاجرا تحقیقاتک مرجعی خصوصنده قضاء مذکور مجلس اداره سیله جزا محکمهسی آره سنده حاصل اولان اختلاف سلینک حلّی ضمنده اوراقلک تقدیم قلندیغنی دائر عدلیه نظارتک شورای دولته حواله بیوریلان ۱۶ شباط ۳۲۸ تاریخ و یدنی یوز قرق بر نومرولی تذکرهسی وملفوفلری انجمن اختلافه تودیع اولنمسیله شورای مذکوره تمیز مدعی عمومیلکنندن یازیلان مطالعهنامه ایله برابر قرائت اولندی .

جزا محکمهسی اعلامنده محاکم صلحیه دن اولان نواحی محکمه لرینک قابل استیناف اوله رق اعطا ایلدکری حکملرک مرجع استینافی تشکیلات محاکم و اصول محاکمات جزائی قانونلری ایجابجه قضا بدایت محکمه لری ایسه ده مجالس بلدییه قرارلرینک مرجع استینافکده محاکم مزبوره اولدیغنی حقهده صراحت کافیه اولمادیغنی جهته مجلس بلدیجه ویرلش اولان بر قراردن منبعث بولنان اشبو دعوی استینافینک رؤیتی وظیفهسی خارجنده اولدیغنی بیان و مجلس اداره اعلامنده دخی تنبیهات بلدییه مخالف حرکتدن طولای مجلس بلدیجه ویریلن جزای تقدی قرارلرینک شورای دولت قراری موجبنجه مرجع استینافی بدایت محکمه نظامیهسی اولدیغندن موضوع بحث دعوانک دخی قضابدایت محکمه سنه عادیّتی اتیان وتمیز مدعی عمومیلکنک مطالعه نامه سنده ایسه مجالس بلدییه نواحی مجلسلری قیلندن اولیوب مجالس بلدییه نک جزای تقدیه متعلق اعطا ایده جککری مقرراتک علاقه دارانک وقوع بوله جتی مراجعت وشکایتلری اوزرینه مجلس اداره ده تعدیل واصلح اولنه بیله جکی ومجالس مذکوره مقرراتنک محاکم نظامیهده استیناف وتمیز اولنه میه جنجی جهته تنبیهات بلدییه مخالف حرکتلرندن ناشی مجلس بلدیجه جزای تقدی ایله مواخذهلری تحت قراره النان مرقوملرک واقع اولان اعتراضلری قضای مذکور مجلس اداره سنجه تدقیق اولمق لازم کله جکی درمیان قلمشدر .

ایجابی تأمل اولندی : انجمن اختلافک وظیفهسی تشکله دائر اولان ماده نظامیه ایجابجه محاکم اداره ایله محاکم عدلیه آره سنده ایجاباً وسلباً نکون ایدن اختلافاتک تدقیق وحلنه منحصر و بناءً علیه مجالس اداره ایله محاکم عدلیه بیننده متحدث بر اختلافک انجمن مذکورک دائره تدقیق وحلنه داخل اوله بیلیمک ایچون باعث اختلاف اولان مسئله نک محکمه اداره صفتیله مجلس ادارهده رؤیتی لازم کلوب کلیه جکی موضوع بحث بولمق لابد اولوب حال بوکه تفصیلات معروضه وتدقیقات واقعهیه نظراً مسأله حاضره تنبیهات بلدییه عدم رعایتلرندن طولای آحاد ناسدن بعضیلرندن جزای تقدی اخذ وتحصیلی حقهده مجلس بلدیجه ویریلان قراره علاقه داران طرفندن اعتراض اولمنسندن عبارت اوله رق بواعتراضک تدقیق قانوناً مجلس ادارهیه عائد اولسه بیله مجلس اداره نک بونی حکماً دکل اداره تدقیق ایتسی لزومی ظاهر بولندیغندن مجلس اداره نک اداره قسمیله محکمه عدلیه میاننده حادث دیمک اولان اختلاف مذکورک تدقیق وفصلی انجمن اختلافک وظیفهسی خارجنده اولغله اولبابده

انجمن عدليه مقراني

انجمن عدليه صادر اولونه ۲۸ نيسانه سنه ۳۲۹ تاريخي ۵۳ نومروني قرار صورتير :

« تخليه مأجور حقنده »

اسکدار بدایت محکمه سی ریاست اولاسنک ۲۱ شباط سنه ۳۲۸ و امور حقوقیه مدیریت بهیه سنک ۱۹ مارت سنه ۳۲۹ تاریخی مذکره لری مطالعه و تدقیق اولندی . بلیدیه دن مصدق مقاوله نامه موجبنجه ایجار اولنان بر خانه نك مدت ایجاری بش سنه اول ختام بولدیغی حالده تخلیه سی حقنده شمعی مراجعت ایدلمکده اولدیغندن و بویله مدتی مرور ایتیش قونطورا تولا اوزرینه محکمه یه سنوق حاجت کورلمکسزین معامله تخلیه و تسلیمیه نك ایفاسنده تردد ایدلایکندن بحث ایله استیدان معامله اولمقده در .

مصدق مقاوله نامه موجبنجه ایجار اولنان بر عقارک تخلیه سی مذکور مقاوله نامه یه استناداً طلب ایدلایکی حالده مقاولات محرر لکنجه بر اخبار نامه تبلیغ اولوب اون بش کون ظرفنده بالرضا تخلیه و تسلیم ایدلمدیکی تقدیرده معرفت اجرا ایله جبراً تخلیه سی ایجار عقار نظامنامه سنده مطلق اوله رق مذکور اولمسنه و مذکور مقاوله نامه رسمی بو خصوصده بر اعلام حکم و قوتی حارز بولمسنه بناءً نظامنامه مذکورک حال حاضرینه کوره ختام مدتندن صوکره نه قدر زمان کچرسه کچسون مصدق بر مقاوله نامه یه استناداً واقع اولان طلب مذکورک بر موجب نظام اجرایی ضروری اولوب انحق اعطایی لازم کلن اون بش کون مهل ظرفنده مستأجر محکمه یه مراجعتله تأخیر اجرا علم و خبری استحصال و ابراز ایدرسه اولابده جریان ایده جک محاکمه نتیجه سنه قدر معاملات اجرائیه نك تأخیری اقتضا ایده جکنک جواباً تبلیغی تذکر قلندی .

محکمه تمیز حقوق دائره سنجه تدقیقاتی نتیجه پذیر اولان دعاوی اعلاماتنک لیسته سی

— کچن نسخه دن مابعد —

اوراق نومروسی	اسامی محاکم	میز	میز علیہ	تاریخ قرار	نوع قرار
۲۹ ۳۳۲	چبا قور بدایت	قارو	میکائل وسائرہ	۱۵ نيسان سنه ۳۲۹	تصديق

اوراق نومروسی	اسامی محاکم	میز	میز علیہ	تاریخ قرار	نوع قرار
۲۹ ۳۹۶	بولو ادین بدایت	ادهم اغا	محلی افندی	۱۵ نيسان سنه ۳۲۹	تقض
۲۹ ۳۷۳	صالحی بدایت	منلا محمد	منلا حسین ورفقاسی	»	رد
۲۹ ۱۷۲	تکک بدایت	زراعت بانکہ سی	عمر اغا	»	»
۲۹ ۳۹۵	اربعه بدایت	حاجی فتح اہ	عبدالرحمن	»	رد
۲۹ ۳۸۶	تکک بدایت	حاجی مصطفی افندی	عمر لطفی افندی	»	»
۲۸ ۳۵۸۶	برہانیہ بدایت	اوقاف نظارتی	بغچوان یانی	»	تقض
۲۸ ۳۵۷۹	معدن بدایت	قوجہ محمد	جمال افندی	»	رد
۲۹ ۳۴۰	ایوالق بدایت	نیقولاییدیس برادرلر شیرکئی	یورکی وسائرہ	»	»
۲۹ ۳۲۸	ارضروم بدایت	عثمان نوری افندی	علی وسائرہ	»	»
۱۹ ۳۲۴	صندوقلی بدایت	علی و بکر	فاطمہ	»	»
۲۱ ۳۳۴۶	قره سی استیناف	حق افندی	ژونیاپولتیروس افندی	»	تصديق
۲۹ ۳۶	در سعادت برنجی حقوق	اندون	مراد اونباشی	»	»
۲۱ ۳۵۸۱	باندرمہ تجارت	اطناسیادیس افندی	علقو	»	»
۲۹ ۲۶	قونیہ استیناف	نیقولایکی و مصطفی چاوش	یوانا کی	»	تقض
۲۹ ۲۵	قره سی استیناف	اسماعیل حق افندی	یاسف	۱۷ مارت ۳۲۹	تقض
۲۹ ۷۵	حوران بدایت	عجاج	محمد یحیی افندی	»	»
۲۷ ۳۵۸۷	در سعادت استیناف حقوق	اریستیدی کوسہ اوغلی	عزت افندی	»	»
۲۷ ۲۹۶۵	سلط بدایت	حارز	سالم الفیاض	»	رد

اوراق نومروسی	اسامی محاکم	ممیز	ممیز علیه	تاریخ قرار	نوع قرار
۲۷ ۳۵۳۴	ازمیر تجارت	عبدالغنی بك	احمد رفعت بك	۱۷ مارت ۱۳۲۹	تصدیق
۲۹ ۹	کرده بدایت	حق افندی	رفعت افندی	»	رد
۲۹ ۱۲۶	حیانه بدایت	خدیجه	حسین	»	»
۲۹ ۱۱۲	چال بدایت	محمد	حاجی محمد	»	نقض
۲۹ ۱۱۹	اسپر بدایت	کرقرافندی وانطرائیک	اغالان	»	رد
۲۹ ۱۲۸	صاروخان بدایت	ادهم بك	اغوب قره قاشیان	»	»
۲۹ ۱۱۶	دکزی بدایت	خرسته	یورکی	»	»
۲۹ ۱۲۷	انقره بدایت	محمد افندی	یوسف	۱۹ مارت منه	تصدیق
۲۹ ۴	درسعادت استیناف	عایشه سلطان حضر تلی	حسین ملک خانم	»	رد
۲۹ ۱۲۱	البستان بدایت	فاطمه وجید	حاجین	»	نقض
۲۹ ۱۰۹	بولدان بدایت	اسماعیل	حسین	»	»
۲۹ ۱۰۹	بغداد استیناف	یوسف	زهوه	»	»
۹۹ ۱۱۷	اسپر بدایت	مانوق	ارون	»	تصدیق
۲۹ ۱۳۳	اینه کول بدایت	مانوق	اغوب	»	»
۲۹ ۱۳۲	انقره بدایت	یواناکی وانسطاش افندی	جوزی افندی	»	»

(مابعدی وار)

قانون غیر منقوله

اموال غیر منقوله نك تصرفه عائد مواد قانونیه په دائر تشریحات

— کچن نسخه دن مابعد —

سابعاً ، اورمان و پرنالاق محللری آچوب تولا اتخاذ ایده من و اورمانك یا پرنالك آغاچلری احتطاب و قلع ایلیه من . زیرا مجله نك ۱۲۴۴ ماده سی موجبجه بر کیمسه نك ملکنده خدای نابت اولان آغاچلر کندیسنك ملکیدر ، آنک اذنی اولقسزین بشقه سی آنلری احتطاب ایده من . ایدرسه ضامن اولور .

نامنا ، بر کیمسه نك متصرف اولدینی اراضیسی اوزرنده کی خدای نابت اشجاری دیگر کمنسه آشیله .

یمن . آشیله دینی تقدیرده یالکز قلمیله آندن سورن فیلزله مالک اولور . یوقسه آشیله مقله مجله آغاچه مالک اوله ماز بو حالده اول کیمسه بخیردر . دیلرسه آشی فیلزلی آشیلاندینی محلدن قطع ایندیرر . زیرا آشیله یان کیمسه کندی ملکیه دیگرک ملکینی اشغال ایتش اولمغله مالک غیری تخلیه ایتسی لازم کلیر . و بوندن بشقه آشیله دینی صروده آغاچک دالترین قطع ایتک کی بر صورتله آغاچک قیمته نقصان طاری اولمش ایسه اونقصانی دخی ضامن اولور . چونکه مجله نك ۹۱۷ ماده سی موجبجه بر کیمسه دیگرک مالنه نقصانك کتورسه نقصان قیمتی ضامن اولور .

بوندن طولای آغاچه طاری اولان نقصان قیمت بروجه آتی تعیین اولنور . شویله که آغاچ ، اوزرنده بولنان اراضی او آغاچک مقطوع داللری موجود فرضیه بر کره اول اراضی تقویم اولنور . و برکرده اول اراضی ، مذکور آغاچک مقطوع اولدینی حالده تقویم ایدیلیر . ایکی قیمت بیننده فرق و تفاوت وار ایسه بو فرق آشیله یان ضامن اولور . فرق و تفاوت یوق ایسه ضرر یوق دیمک اوله جغندن ضامنده لازم کلر .

و دیلرسه آشیلرک بدلنی آشیله یانه ویردرک اول آشیلری دخی تملک ایلکه اراضی متصرفنک صلاحیتی وارددر . آشیلرک بدلنی ویرمک لازم کلدی . زیرا آشیله یان ، غیرک آغاچنی آشیله مق صورتیله فعل ممنوعی ارتکاب ایتش اولمسندن طولای مالی بولنان آشیلرک بدلنک هدر اولمسی لازم کلر . و مالنک تقومی باطل اولماز .

فتاوی خیرییه نك کتاب غصبده بیان اولندینی اوزره بر کیمسه دیگر بر کمنسه نك بر آغاچنی آشیله دقدده

کرك ياپراق آشيلى سون و كرك دال آشيلى سون بونده فقها ايكي قول اوزره اختلاف ايتمشلردر قول اول، آشيلى ديني ياپراق يا دال آشيلى آشيلايانك ملكى اولدينى كې ميوه سى دنخى آنك ملكى اولور. اما آشيلى كندى اوزرينه وصل ايديلان آغاج صاحبنك ملكى اوله رق قلوب يوقسه بونده آشيلى يانك ملكى اولماز. زيرا اصل اولان ملك ماللك بقاسى اولوب بوجيله آشيلى مقله آشيلى يانك اول آغاجى تملك ايتمى ايچون وجه وسبب يوقدر. قانونده آشيلى دينى محلدن قطع اولنه جنى بيان ايدملكه بوقول، قبول ايدلمشدر. زيرا آشيلايان قول آتيدى اولدينى كې نفس آغاجه دنخى مالك اولسه يدى اول آغاجى تماميله قلع ايدىرك آلمسى وارضى تخليه ايتمى لازم كلوردى.

قول ثانى، آشيلايان آشي قلمندن سون فيلزله و فيلزرك ميوه لرينه مالك اوله جنى كې اصل آغاجه دنخى مالك اولور. زيرا آشيلايان صفت متقومه يى احداث ايدرك ماللك حقنى من وجه هالك قلمشدر. چونكه بركىسه ديكر كمسنه نك مثلاً ادريس آغاجنه كراز آشيلى سه يعنى خلاف جنسى وصل ايلسه ادريس آغاجنك اسمى دكشمش و شجره اخري اولمش اولور. اسمك تبديليه حق ماللك اتقاعنه استدلال اولنور. آشيلايان مذكور آغاجه بوجه مشروح مالك اولنجه اراضى متصرفى بونى قلع ايتدردكدن بشقه اصل آغاجك قائماً قيمتى آشيلايانه تضمين ايتدردر. آشيلايان اصل آغاجه مالك فرض ايديلنجه بوجه محرر قاعه مجبور اوله جغندن بومالكيته آشيلايانك فائده سى يوقدر. بلكه مجموع آغاجى ضامن اولوق اعتباريله زياده متضرر اولور. قول اولده ايسه يالكز آغاجك نقصان قيمتى ضامن اوله جغندن ضررى بالنسبه آزدرد. پناه عليه قانونده قول اول اختيار اولمشدر.

قانون، آغاج صاحبنه آشيرك بدلى و يرهرك تملك ايتك حقنى دنخى و يريور. بوجه حقوق نقطه نظرند شايان مناقشه در.

تملك مسئله سنده اوچ صورت متصور در.

۱ — آشيلايان فلزىنى آغاج صاحبنه بدل معلوم مقابلنده صاتوب آنكده آلماسيدر. بو، عقد بيع اولديغندن شايان مناظره دكلدر.

۲ — آشيرك آغاجدن قطع و تفريق حالنده آغاج قوريمق احتمالى بولنق مثللو آغاجه مضر اولقدردر. بوتقديرده آغاج صاحبي ضرر ديده اولسون ايچون فلزىرك تمام بدلى آشيلايانه اعطا ايدىرك آشيلايان راضى اولسه بيله فلزىرك تملك ايليه بيلير. بونك قوانين موضوعه ده نظاى و اردردر. برينى مجله نك ۹۰۶ ماده سيله ماده آتیه نك فقره اخيره سيدر.

۳ — آشيرك آغاجدن قطع و تفريق حالنده آغاجك قيمته بوندن طولاي هيچ بر ضرر ترتب ايمه مكدردر. هنوز يكي وصل اولمش ياپراق يا خود قلم آشيلى محلندن چكوب چيقارمق كې.

آشي قلمى و فلزىرك آشيلايانك ملكى اولدينى و ملك صاحبنه ملكنك بدل مضاعفى و يرلسه بيله جبراً

يدندن آلمسى قواعد حقوقيه منافى بولندينى جهتله آشيلى يانك رضاسى منضم اولدقجه آغاج صاحبنك بو فلزىركى تملكه حق اوله مامق لازم كلور.

بومطالعات حقوقيه مبنى قانوندن برنجى و ايكنجى صورت قصد ايدملك و صورت ثالثه قانونك دائره شمولندن خارج براغلمق اقتضا ايدردر.

۱۱ : ماده بركىسه نك متصرف اولدينى اراضى اميريه و موقوفه اوزرنده ديكر برشخص فضولا ابنه احداث و اشجار و كروم غرس ايدردر ايسه اراضى متصرفى آنلرى هدم و قلع ايتدردر بيلور.

واكر قلمى ارضه مضر ايسه مستحق القلع قيمتلىرى ايفا ايله تملك و تصرف ايله بيلير.

اسباب موجه : قانوننامه نك اوتوز بشنجى ماده سنده مندرج برنجى فقره بر ماده مخصوصه اوله رق افراز ايدلمش و فضولا احداث و غرس ايديلان ابنه و اشجارك قلمى ارضه مضر اولدينى تقديرده ياپيله جق معامله علاوه اولمشدر.

شرح : يعنى بركىسه نك صحيحاً متصرف اولدينى اراضى اوزرنده ديكر برشخص كنديسى ايچون فضولا ابنه احداث يا خود كروم و اشجار مشمره يا غير مشمره غرس ايلسه اراضى متصرفنك بونلرى قلع ايتدردر مكه صلاحيتى واردر. يعنى بونلرى قلع ايله متصرفنه رد ايتك اوزره او شخص محكوم ايديلير.

چونكه غيرك ملككنده ملك صاحبنك اذنى اولمقسز بن تصرف ايتك جائز دكلدر. واقعا متصرف اراضى رقبه يه مالك دكلسه ده منفعته مالكدردر. يوقسه اول كيمسه ابنه و كروم و اشجار يره تابعدر ديهرك قلعه ممانعت ايله ابنه و كروم و اشجارى ضبط ايتمه صلاحيتى يوقدر.

دنيلىر سه كه بشنجى ماده ده اراضى اوزرنده احداث اولنان ابنه و اشجار اراضى به تابع و بونلرك رقبه سى دنخى بيت الماله عائد اوله جغندن اراضى متصرفى بومحدثاتى مجاناً ضبط ايدى بيلير.

جواباً ديرزكه محدثاتك ارضه تبعيتى احداث ايدن اراضى متصرفى اولدينى تقديرده در. بونده ايسه احداث ايلان متصرف دكل، شخص اجنييدردر.

وبانى و غارس كروم و اشجارى وقت ربيعده قلع ايله ديكر يره نقل و غرس ايتك اوزره استمهال ايلسه متصرف اراضى ديلىر سه امهال ايدردر. ايسر ايسه امهال ايتمز. و متصرفك مساعده سى اولدقجه محكمه جه امهال اولنه ماز. زير صاحب حقك حقنه مسارعته واصل اولاسى لابد اولوب محكمه نك امهالى صاحب حقنه ظلم اولور. اراضى متصرفى اشجارى صاتون آلمق ايسستدكده باني و غارس بوكا موافقت ايتديكي تقديرده صحيح اوله جنى كې اراضى متصرفى مذكور ارضى باني و غارسه ايجار يا اعاره ايتدكده بونده جائز اولور.

بوماده ده هدم و قلع مطلق اوله رق ذكر و اتيان ايدلمسندن مستبان اوله جنى اوزره كروم و اشجار و ابنه نك قيمتى ارضك قيمتندن كرك زياده كرك نقصان يا مساوى اولسون حكم مذكور جارى اولور. و بونده طقوزنجى ماده ده ذكرى كچن قيمته اقلك اكثره تبعيتى قاعده سى مرعى دكلدر.

فرق شودر: بانی و غارس امر غیر مشروعی ارتکاب ایله ظالم و غیرک حقنه متعدی و متجاوز اولدینی حالده ظلم ابتدایی خصوصده منفعتی جهتی کوزه دلمک یعنی محدثاتک قیمتی ارضک قیمتندن زیاده بولندیی صورتده ارضک بدلنی ویره رک ارضی تصرفه کچورمک صلاحیتی ویرلمک موافق دکلدر. بوکا مساعده ایدله باب ظلمک کشادی لازم کلیر. و غصبه تشویقه مؤدی اولور. بناء علیه باب ظلمک سیدی ایچون محدثاتک هر حالده قلمی لازم کلیر.

بوتقدیرده بانی و غارس محدثاتی قلعدن ابا ایدره رک تغیب ایتدکه اراضی تصرفی حاکمه مراجعت ایلر. حاکم دخی بعده مؤنت قلمی شخص مرقومدن آلمق اوزره قلع ورفعه تصرفه اذن ویرر. بونک اوزرینه قدر معروف مؤنت ایله محدثاتی قلع ایتدیروب مقولوعاتی شخص مرقومه تسلیم ایتدکه مصارف قلعیهی دخی آندن آیر. فقهانک بیانی بروجه مشروح اولوب فقط ایوم مرعی اولان اصوله کوره اولباده محکمه دن اعطا اولنه جق اعلام دائره اجرابه تودیع اولوب دائره مذکوره معرفتیه قلع وهدم ایدیلره رک مصارف قلعیه شخص مرقومدن استحصال اولنور. فقهانک بیانیه کوره اراضی تصرفی حاکمه مراجعت ایتدکسزین محدثاتی قلع ایده بیلور. و بوندن طولایی تصرفه ضمان لازم کلر. زیرا تصرف برفعی ایشلمشدرکه حاکمه مراجعت ایتش اولسیدی اوده بونی یاپه جقدی.

شوقدرکه تصرف بلا مراجعه الحاکم قلع ایتک ایستسه آغاج و طوغله و کره میتلری قیرماق لازم کلیر. زیرا ضرر ممنوع اولدینی کبی مقابله بالضرر دخی ممنوعدر. فقط ایوم جاری اولان اصول و تعامله نظراً تصرف اراضی کندیلکندن بونی یامامق و محکمه به بالمراجعه اعلام استحصال ایدره رک علی الاصول اجرا دائره سینه یاپدیرمق اقتضا ایدر. محدثات مذکوره نک قلمی ارضک تخرینه مؤدی اولق کبی بروجهله ارضه مضر اولدینی تقدیرده اراضی تصرفی بومحدثاتک مستحق القلع اوله رق قیمتلری بانی و غارسه تأدیه ایدره رک محدثاتی ارضنده ابقا ایده بیلیر.

فقره قانونیه ده «تماک ایلیه بیلیر» دنیلمش ایسه ده اراضی امیریه اوزرنده کی محدثات بشنجی ماده ده ارضه تابع اوله جفی یعنی رقبه سی بیت الماله عائد بولنه جفی کوسترلمش اولدیغنه و تصرف، بومحدثاتک بدلنی ویرنجه کندیمی احداث ایتش حکمنده بولنه جغه نظراً بوفقره ده «تماک ایلیه بیلیر» یرنده «تصرف ایلیه بیلیر» دنیلیمک سیاقه موافق اولور.

بوفقره قانونیه ده «فضولا» دنیلیمی اراضی تصرفنک اذنیله اولان احداث احترازا یچوندیر. زیرا اراضی تصرفنک اذنیله احداث اولندقدیه بونده ایکی وجهه ملاحظه اولنور.

۱ — اراضی تصرفنک امر و اذنیله اراضی تصرفی ایچون احداث اولنقدیر. بوتقدیرده محدثات مذکوره

ارضی تصرفه عائد اولوب احداث ایدن یالکیز قدر معروف مصرفیه اراضی تصرفه مراجعت ایدر. ۲ — اراضی تصرفنک اذنیله احداث ایدن ایچون احداث ایدلمکدر. بوسورتده محدثات مذکوره احداث ایدنک اولوب آرتق اراضی تصرفی بونلری هدم و قلع ایتدیره ماز. زیرا اراضی تصرفنک اراضیده کی حق حق ملکیت اولیوب حق مجرد ایدوکنه و بوجله آخره احداثه اذن ویروبده اوده احداث ایدنجه حق مجردی ساقط اوله جغه مبنی تصرف اراضینک بونلری قلع ایتدیرمکه حق اوله ماز.

بومسئله نک نظیری مجله نک ۱۲۲۷ ماده سیدر. مذکور ماده ده مذکور اولدینی اوزره برینک عرصه سندن برمرمعینده حق مروزی اولان کسنه نک اذنیله صاحب عرصه اول مر اوزرینه بنا احداث ایلسه اول کسنه نک حق مروزی ساقط اولوب صاحب عرصه ایله آرتق مخاصمه به حق قالماز.

مجله نک ۵۱ ماده سینه باق.

قانونده کی احداثن مقصود، فضولینک کندی نفسی ایچون احداث ایتسیدر. اما فضولی بلا امر اراضی تصرفی ایچون احداث ایتدکه فضولی بواحدانده متبرع اولور: مصرفی اراضی تصرفدن آله میه جفی کبی محدثاتی دخی رفع ایده مز.

برکیمسه نک تصرفده بولان اراضیده دیکر کسنه نک بومثلاًو شیلری احداث ایتسی خصوصی جهات عدیده دن شایان تدقیقدر.

اولاً، اوزرنده احداث اولنسان ارض میری ثانیاً ارض مملوکه ثالثاً ارض وقف اوله جفی کبی رابعاً صورت احداث دخی مختلف اولور.

مسئله کالیه متضج و منکشف اولق ایچون بوجهاک ایضاحی لازم کلیر.

۱ — ارض میریده احداث.

بواحدان اوج صورتدن خالی اولماز.

صورت اولی، فضولا و محدث نفسی ایچون احداث ایتش اولور. بونک حکمی ماده قانونیه ده

ایضاح ایدلمشدر.

صورت ثانیه، تصرفنک اذنیله محدث کندی ایچون احداث ایدر. بونک حکمی دخی بالاده شرحاً

بیان ایدلدی.

صورت ثالثه، تصرفنک امر و اذنی اولقسزین فضولی، تصرف ایچون احداث ایلر. بونک حکمی

دخی یوقاریده شرحاً ایضاح اولندی. صورت رابعه، تصرفنک امر و اذنی اولیه رق محدث تصرف

ایچون احداث ایتکدر. بوده بالاده ایضاح اولندی.

۲ — ارض مملوکه ده احداثر.

بونده کی احداث دخی درت صورتله اولور.

صورت اولی ، فضولاً و محدث کندی نفسی ایچون احداث ایدر . بونده مجله نك ۹۰۶ ماده سنده کی تفصیلات جاری اولور .

صورت ثانیه ، مالکک اذنیله محدث کندی نفسی ایچون احداث ایتیش اولور . بوحالده محدث ، ارضی مالککندن استعاره ایتیش و بونده مجله نك ۸۳۱ ماده نك حکمی جاری بولمیش اولور . ارض میریده بوصورت ثانیه ایله ارض مملوکه ده احداث آره سنده مهم برفرق حاصل اولیور بونك سببی یوقاریده ایضاح ایدلمشیدی .

صورت ثالثه ، مالکک اذن وامریله مالک ایچون احداث اولنور . بوتقدیرده محدثات مذ کوره مالک و آمرک اولور . مأمور اولان محدث مصرفیله آمره مراجعت ایدر . نته کیم مجله نك ۱۵۰۸ ماده سنده مذ کوردر .

صورت رابعه ، مالکک امری اولیه رق مالک ایچون احداث اولنور . بوصورتده محدثات اراضی مملوکه صاحبنه عائد و محدث متبرع اولور .

۳ — ارض وقفده احداث . مقصود ، وقف صحیح ایله وقف ایدلمش اولان یرلردر .

بونده کی احداثده بش صورت واردر .

صورت اولی ، برکیمسه ، متولینک اذنیله و وقفه رجوع ایتک شرطیله اشجار و ابنیه کی شیلری احداث ایتسیدر . بوصورتده محدثات وقفه عائد اولور . و محدث بولنان کیمسه متولییه رجوع ایدر . یوقسه محدثاتی قلع و رفع ایدرک آغخه حق یوقدر .

صورت ثانیه ، برکیمسه ، متولینک امری اولقمسزین کندی مالیه وقف ایچون بولنری احداث ایتسیدر . بوحالده محدثات مذ کوره وقفه تبرع اولور . محدث ، مصرفیله متولییه مراجعت ایدمه چکی کی محدثاتی دخی قلع و رفع ایدمه .

نته کیم متولی دخی محدثاتی هدم ایتدیره من .
مثلا برکیمسه بالاجارتین متصرف اولدینی عرصه ده بلا اذن المتولی تبرعاً للوقف بنا ایسه بو بنا و قفک اولوب متولی بنایی هدم ایتدیره من .

صورت ثالثه ، برکیمسه ، نفسی ایچون اولدینی تعیین و تصریح ایله یاخود علی الاطلاق یعنی نفسی ایچون اولدینی تعیین و تصریح ایتدیکی کی وقف ایچون بولندیغنی دخی تصریح ایتیه رک بومثللو محدثاتی احداث ایتسیدر .
بوصورتده محدثات مذ کوره اول کیمسه نك ملکی اولور . یوقسه وقف اولمش اولماز .

مثلا برکیمسه نك بالاجارتین متصرف اولدینی وقف منزلی دیگر کیمسه تغلباً ضبط و اوزرینه نفسی ایچون یعنی ملکی اولق اوزره ابنیه احداث ایسه اول کیمسه منزلی او کیمسه دن استرداد ایتدکن صکره

ابنیه مرقومه نك قلعی وقفه مضر اولمینجه مباشرت متولی ایله او کیمسه یه قلع و رفع ایتدیره بیلیر .

صورت رابعه ، متولی مال وقف ایله ارض وقف اوزرینه بومثللو محدثاتی احداث ایتسیدر .
بوتقدیرده محدثات وقفک اولور . متولی کرک علی الاطلاق انشا و غرس ایتسون و کرک وقف ایچون اولدینی تصریح ایدرک انشا و غرس ایتسون و کرک کندیسی ایچون اولدینی تصریح ایدرک انشا و غرس ایتسون . متولی یاخود وفاتندن صکره وراثی اول ابنیه و اشجاره مداخله ایدمه من .
صورت خامسه ، متولی کندی مالیه متولیدی اولدینی عرصه و اراضی اوزرینه ابنیه انشا یا آغاچ غرس ایتسیدر .

بوتقدیرده علی الاطلاق بنا و غرس ایلر یاخود وقف ایچون اولدینی ذکر و تصریح ایله انشا و غرس ایدر ایسه وقفک اولور . اما کندی نفسی ایچون اولدینی تعیین و حین انشا و غرس سنده اشهاد ایدر ایسه کندی ملکی اولور . بوصورتده یعنی متولی کندی نفسی ایچون اولدینی تعیین و اشهاد ایله ابنیه انشا یا آغاچ غرس ایتمه ایله و اشجار متولینک ملکی اولدینی صورتده و کرک صورت ثلثه ده متولی عرصه و اراضی وقفی غصب ایتیش اولور .

بناءً علیه ابنیه و اشجارک قلعی وقفه مضر دکل ایسه قلع اولنور . و مضر ایسه ابنیه و اشجارک مستحق القلع اوله رق قیمتیه قائماً قیمتندن هانکیسی اقل ایسه او ، غله و قفدن بانی و غارسه ایفا اولنور . و غله و وقف اولمینجه ابنیه یی ایجار ایله بدل ایجارندن مذ کور قیمت ایفا اولنور . بونلرک بریمی قابل اولمینجه اول ابنیه و اشجار تخاص ایدنجه یه قدر صاحبک تربص ایتیمی لازم کلیر . یوقسه ابنیه و اشجارمی آلیم دیه من .

۱۲ ماده

اراضی امیرییه و موقوفه دن مشترکاً تصرف اولنان اورمان و یرناللق کی یرلرده شریک لردن بری دیگر لردن اذن استحصال ایتکسزین اول محللرک مجموعنی یاخود برمقدارینی آچوب ترلا یاپه من .

یابدینی صورتده دیگر شریکلری اول آچیلان یره بلا بدل مشترک اولورلر . و قطع اولنان آغاچلرک عینندن و یا قائماً قیمتلردن حصه لرینی آلورلر . اما موافقتلریله آچیلان یرلرده مصارف اعمار یه دن حصه لرینه اصابت ایلیان مقداری دیگر شرکانک تسویه ایتلری لازم کلور .

اسباب موجهه : اراضی قانوننامه سنک اون طقوزنجی ماده نك فقره ثانیه سنده شایعاً تصرف اولنان اورمان و یرناللق مثللو محللردن دیگر شرکانک اذنی اولقمسزین بری طرفندن قطع و قلع اولنان اشجار ایله آچیلان یرلر حقیقده مندرج احکام مقتضی کوریلان بعض تعدیلاتک اجراسیله بر ماده مخصوصه اوله رق ترقیم قلمشدر .

شرح : یعنی قانونک بشنچی ماده سنده متصرفک مشجره یی ترلا حاله افراغ ایدمه بیله چکی بیان اولمشیدی . فقط بومثللو مشجره ایکی یا زیاده شریک آره سنده مشترک اولدینی تقدیرده احد شرکا دیگر لرینک اذنی

اولمقچه مشجره نك آز چوق هيچ بر مقداريني آچوب ترلا اتخاذايده مز. زيرا آغاچلر مشترك اولديغندن بونلرك قلعى ديكرك ملكندن بلا اذن تصرف اولوب بوايسه ممنوعدر .

احد شرکا بومثللو مشجره ني بلا اذن الاخر آچديني تقديرده ترلا حالنه افراغ اولسان محل كالاول مشترك اولوب آچان ، مصارف وفيره اختيار ايتيش اولسندن طولاي ترلا مستقلا كنديسنه عائد اوله جنى ادعاسنده بولنه ماز. زيرا بروجه مشروح آحق نقل تصرفي موجب و ديكر حصه دارك حق تصرفي سالب اسباب قانونيه دن دكلدر .

نته كيم مشجره ني ترلا حالنه افراغ ايدن مشارك او يولده اختيار ايتديكي مصارفدن مشاركه اصاب ايدجك حصه ني دخي طلب ايدمه ز. زيرا مشجره ني آچان مشاركك امر و اذني اولمقسزين آچيش اولديغندن صرفياتنده متبرع اولور .

ومشجره ني بلا اذن آچان كيمسه قطع ايتديكي آغاچلرك و پرناللري استهلاك ايتيوب عينا ومقطوع اوله رق موجود اولديني تقديرده ديكر مشارك بخيردر . ديلرسه اول اشجارك قائماً قيمتلىني اخذيله اشجارمقطوعه ني قاطعه ترك ايدر . وديلرسه قائماً قيمتلرندن مقطوعاً قيمتلىني بالتزويل باقى مبالغدن حصه سي ايله برابر اشجار مقطوعه ني دخي آليقور . قانونده « وقطع اولسان آغاچلرك عينندن ويا قائماً قيمتلرندن حصه لىنى آلورلر » ديه مذكور اولان عبارته نك معناسى بروجه مشروح اولسه كركدرد .

مثلا ايكي كيمسه بيننده مناصفه مشترك اولان اورمان و پرناللق مشاركلردن برى طرفدن آچيلويده اشجارمقطوعه تماماً موجود اولغله اشجار قائم اوله رق اورمانك قيمتي اون بيك وبلا اشجار قيمتي بشيك واشجار مقطوعه نك قيمتي ايكي بيك غروش اولسه مشارك ديكر بخيردر . ديلرسه اشجار مقطوعه ني قاطعه ترك ايله بشيك غروشك نصفى آير . وديلرسه اوچ بيك غروشك نصفيله برابر اشجار مقطوعه نك دخي نصفى اخذ ايدر .

ومشاركلردن برى مشجره ني ديكرك امر واذنيه آچدقيه بو اذن ، يا آچيلان اراضى آچان كيمسه نك مستقلا متصرف اولسنه دائر اولور . بو اذنك هيچ حكيمى يوقدر . يعنى بو اذنه مبنى آچان كيمسه آچيلان يره مستقلا متصرف اوله ماز . زيرا بو قانونك برنجى ماده سي موجبجه بومثللو تصرفه دائر معاملات دفتر خاقانى اداره لرنده اجرا اولمق لازم كليز . بناء عليه بو اذندن صكره دخي آچيلان اراضى كالاول مشترك قالير . ومذكور اذن ، يا آحق يولنده ايديله جك مصرفه ديكر شريكك اشتراك ايدجكته دائر اولور . بو اذنك فائده سي واردر . شوييله كه مصرف ايدن شريك ، مصرفدن مشاركنه اصاب ايدجك قدر معروف مصرفى آندن آير . نته كيم مجله نك ۱۵۰۸ ماده سندن بو حكم مستفاد اولور .

ماده : ۱۳ بالاشتراك تصرف اولسان اراضينك مجموعى اوزرينه شريكلردن برى ديكري نك اذني اولمقسزين انيه احداث ويا اشجار وكروم غرس ايسه شريك نك حصه سي تفريق اولندقدن صكره بو حصه

حقتده اونجى ماده موجبجه معامله اولنور . واکر اول اراضينك بعض محلنده انيه احداث ويا اشجار وكروم غرس ايدر ويا موجود آغاچلري آشيرلر ايسه حصه لرى تفريق ايديلور . واول محل ، شريك نه اصاب ايدليكى تقديرده ينه اول وجهله معامله اولنور .

اسباب موجب : بر كسه نك مستقلاً متصرف اولديني اراضى به ديكري نك فضولا انيه احداث يا اشجار غرس ايتسييله شايعاً تصرف اولسان اراضى اوزرنده شركادن برينك ديكر لرندن اذن استحصال ايتكسزين بويله انيه احداث واشجار غرس ايدلى بيننده برفرق اوله مامق لازم كله جكي جهتله بويله برحال وقوعنده اونجى ماده ده كوسترلديكي وجهله معامله ايفاسى مناسب كوريله رك قانونك اوتوزبشنجى ماده سنك فقره اخيره سي بالتصحيح اشبو ماده ترقيم قلمشدر .

بوماده ده « اونجى ماده موجبجه معامله اولنور » يرينه « اون برنجى ماده موجبجه معامله اولنور » دنيلمك لازم ايدى . اونجى ماده نك بومسئله ايله مناسبتى يوقدر .

شرح : شمدى نفس ماده ني تشریح ايدلم : بالاشتراك تصرف اولنان اراضينك مجموعى اوزرينه احد شرکا انيه ويا اشجار وكروم كى شيلرى احداث ايتدكه بواحدائه بش صورت واردر .

۱ — احداث ايدن بلا اذن شركت ايچون احداث ايدر . بوقدرده اول محدثات اراضى كى مشترك اولوب احداث ايدن مصرفده متبرع اولور .

۲ — احداث ايدن ديكرك امر واذنيه شركت ايچون احداث ايلر .

۳ — احداث ايدن ديكرك امر واذنيه على الاطلاق يعنى شركت ايچون اولمق ياخود كندى نفسى ايچون بولمق نيتى اولمدن احداث ايدر .

بوايكنجى واوچنجى صورتلرده دخي محدثات مشترك اولوب احداث ايليان حصه مصرفيله مشاركنه مراجعت ايلر . نته كيم تفصيلاتى مجله نك ۱۳۰۹ ماده سيله شرحندن مستفاد اولور .

۴ — احداث ايدن بلا اذن نفسى ايچون احداث ايلر .

قانونك بوماده سندن مقصود ، بوسورت رابعه در .

يعنى مجله نك ۱۱۷۳ ماده سنده بيان اولنديني اوزره قابل قسمت اولان اراضينك مجموعى اوزرينه حصه دارلردن برى كنديسى ايچون ديكر حصه دارك اذني اولمقسزين انيه انشا ياخود آغاچ غرس ايتدكدن صكره ديكر حصه دار رفعى طلب ايتدكه شركادن بريسنك ياخود ايكيسنك طليله اول امرده اراضى تقسيم اولنور . زيرا اراضى تقسيم ايدلمدن بومحدثات رفع ايدلده باني وغارسك حقى بالكليله محو ايدلمش اولور . اما تقسيم اولندقدن صكره كندى حصه سنه اصاب ايدن مقدار اراضيده واقع انيه واشجارده كى حقى محافظه ايدلمش اولور . شوييله كه : بعدالقسمه باني وغارسك حصه سنه دوشن اراضيده قالان انيه واشجارك امرى

کنندیسنه عائد اولوب دیلدیکی کبی تصرف ایدر . اما دیکرک حصه سنه قالان اراضیده واقع ابنیه واشجار حقنده اون برنجی ماده وجهله معامله اولنور . یعنی بو قسم اراضی متصرفی بونلری هدم و قلع ایتدیره بیلور . واکر قلعی ارضه مضر ایسه مستحق القلع قیمتلرنی ایفا ایله تملک ایلیه بیلیر . ویاخود موافقت طرفین حاصل اولنجه ابنیه واشجار اراضی متصرفنه بیع اولنور . یاخود اراضی ابنیه واشجار صاحبنه فراغ ایدیلور .

لکن اراضی قابل قسمت دکل ایسه کالاول شایعاً تصرف ایدلک اوزره ابنیه واشجارک جمله سی هدم و رفع اولنور . زیرا بونلر ایفا ایدلسه دیکر مشارک مشترک اولان اراضینک منفعتدن منع ایدلمش اولور . احد شرکانک بوکا صلاحیتی یوقدر .

واکر بوجه محرر بالاشتراك تصرف اولنان اراضینک بعض اقسامنه ابنیه احداث یاخود کروم واشجار غرس ایدر ویاخود موجود آغاچلری آشیلار ایسه اراضی قابل قسمت اولنجه بالطلب تقسیم ایدیلور . و محدثات مذکوره احداث ایدنک قسمنه اصابت ایدرسه فیه والا ابنیه واشجار هدم قلع اولنور . واکر قلعی مضر ایسه مستحق القاع قیمتلرنی ایفا ایله تملک ایلیه بیلور . و آشیلانان اشجار حقنده اوننجی ماده نك فقره اخیره سی وجهله معامله اولنور .

۵ — احداث ایدن دیکر مشارکک اذنیله کنندی نفسی ایچون احداث ایدر . بوصورتده اون برنجی ماده شرحنده بیان اولندیغی اوزره محدثات مذکوره احداث ایدنک مالی اولوب شریک آذن ارتق مداخله و قلع و رفع ایتدیره ماز .

ماده ۱۴ فضولاً ضبط و زراعت اولنان اراضی امیریه و موقوفه متصرفنک او اراضی یی ضبط ایلش اولان شخصدن نقصان ارض طلبنه صلاحیتی اوله ماز ایسه ده ید ضبطنده بولندیغی مدته عائد اجر مثلی طلب واستیفایه صلاحیتی واردر . بو حکم مسققات و مستغلات و قفیه حقنده دخی جاریدر .

اسباب موجبیه : اراضی قانوننامه سنک یکرمی برنجی ماده سنده فضولی ضبط اولنمشیکن استرداد ایدیلان اراضی یی ضبط و زراعت ایلان شخصدن نقصان ارض یا اجر مثلی استیفاسنه متصرفنک صلاحیتی اوله میه جنی حقنده کی فقره حقوق تصرفیه نك محفوظیتی اساسنه تماماً موافق کوریه مامشدر .

کرچه مجله نك بشیوز طقسان آلتنجی ماده سنده املاک صرفه ده منافع مغضوبه یی اوده مک لازم کلیه جکی مندرج ایسه ده بونک باشلوجه سببی طقوز یوز یدنجی ماده سی موجبنه نقصان ارضی تضمین لازم کلکسندن واجرت ایله ضمانتک اجتماع ائیمه جکی احکام عمومیه ایجابندن بولنمشندن عبارتدر . حالبوکه اراضیده رقبه نك میری به عائد اولمشندن طولانی متصرفنک نقصان ارض طلبنه صلاحیتی اوله میه جنی جهتله اجر مثلی دخی لازم کلسه غاصبلر بوندن جرأت آله رق اوته کنک بریکنک اراضیسنه تجاوز ایده جکلرندن و بعدالاسترداد زمان غصبده کی استفاده لری یا نلرینه کار قالب بوده موافق معدلت اوله میه جغندن بو ماده منافعک تضمینی صورتنده قلمه آلمشدر .

شرح : یعنی اعاره و اجاره کبی بر سبب شرعی بولنمشین ضبط و زراعت ایدیلان اراضی امیریه و موقوفه متصرفی بونلری ضبط و زراعت ایلانیدن استرداد ایده بیلور ایسه ضبط و زراعت ایلان شخصدن نقصان ارض طلب ایدمه مزر . زیرا نقصان مذکور ، ارض رقبه سنه متعلق اولوب متصرف ایسه رقبه یه مالک اولدیغندن بوباید زارع ایله حق خصوصیتی اوله ماز .

فقط اول اراضی متصرفنک مذکور اراضی یی ضبط ایدن کسه دن اجر مثلی طلبنه حق واردر . زیرا بواجرت ، ارض میرینک رقبه سنه متعلق اولوب منافعنه راجع اولدیغنه و متصرف ایسه منافع مذکوریه مالک ایدوکنه مبنی متصرفنک بومسئله ده حق خصوصیتی واردر .

اجر مثلی طلب اولنجه جنی مطلق اوله رق ذکر اولنمشندن مستفاد اولورکه اراضی مذکوره کرک معدللاستغال اولسون کرک اولسون اجر مثلی طلب اولنجه جنی کبی مذکور اراضی صغار و مجانین و معتوهین مثللو قاصرینه یاخود غیر قاصرینه عائد اولسون اجر مثلی طلب اولنجه بیلور .

برکیمسه ، دیکر کسه نك اراضی امیریه و موقوفه سی زراعت ایتیموبده فضولاً آخره بالایجار اجرتی استیفا ایتدکه متصرفی بواجاره یی مجله نك ۴۴۷ ماده سنه موافق صورتده مجزا اولش ایسه یالکز اجر مسمانی اخذ ایدر . عکسی حالنده بوماده وجهله اجر مثلی طلب ایدر . بو اجر مثلی ، فضولاً غضب و ایجار ایدن کیمسه دن دعوی اولنق لازم کلور .

منافع مغضوبک ضمانتی :
ائمه حنفیه منافع مغضوب مضمون اولدیغنده متفقدرلر .

یعنی برکیمسه بر مالی صاحبنک اذنی اولنمشین استعمال ایله منفعتی استیفا ایتش یاخود دیکرک مالی آله رق استعمال ایتیموبده یدنده امساک ایله صاحبی انتفاعدن منع ایلش اولسه غضب منافع قیلندن اوله رق مغضوب اولان منافی اوده مک لازم کلز .

زیرا منافع اوده مک لازم کلسه دراهم و دنانیر کبی مال ایله اوده مک لازم کله جک حالبوکه مال ایله منافع آره سنده مماثلت یوقدر . چونکه منافع اعراض غیرقارده دن ایکن دراهم و دنانیر اعیان باقیه دندر . ضمان عدوانده ایسه مماثلت شرطدر . یعنی منافی تضمینده عدالته رعایت غیر ممکن اولدیغندن تضمین جهتی ساقط اولدی .

مجله نك ۵۱۶ نجی ماده سی دخی بونی ناطقدر .

لکن عندالشافعی منافع مغضوب ، اعیان مغضوبه کبی مضمون اولور . بو زمانده منافعک بیوک دکری واردر .

مثلاً بر کیمسه کنندی نفسی ایچون انشا ایتدیرمش اولدیغی صیفیه نك اجر مثلی سنویلی یتش آلتون بولندیغی حالده اول کیمسه نك غیوبتدن بالاستفاده دیکر کسه اورایه کیروب اوچ سنه ساکن اولسه ائمه حنفیه کوره اجرت لازم کلز ایکن عندالشافعی لازم کلور .

بومادهده اراضی امیریه و موقوفه فی غصباً و فضولاً استعمال ایدن کیمسه اوزرینه اجر مثل لازم کله جکسه دائر اولان حکم مذهب شافعی به موافق بولمیشدر.

بو حکم یعنی اجر مثلك لزومی فضولاً ضبط و تصرف اولنان مسقفات و مستغلات و قفیه حقنده دخی جاری اوله رق بونی ضبط و تصرف ایدن کیمسه نك متصرفه اجر مثل ویرمسی لازم کلور . یعنی قانونك عباره سندن مستفاد اولدیغنه کوره اجر مثلی ، بوعقاراتك متصرفی طرفندن دعوی و طلب اولنه بیلور . احکام شرعیه جه بواجر مثل ، متولی طرفندن وقف نامه ادعا و استحصال اولنه رق و قفك غلاتی عدادینه ادخال اولنور .

برکیمسه دیگر کیمسه نك بالا جارتین متصرف اولدیغی مسقفات و مستغلات و قفیه ده غصباً ساکن اولمقله برابر بعض محللرینی هدم و تخریب ایتدکده مجله نك ۹۱۷ ماده سی موجبجه نقصان قیمتك ضمانی لازم کلیر . و بوماده وجهله ده اجر مثل ویرمك اقتضا ایدر . حالبوکه مجله نك ۸۶ ماده سی حکمنجه اجرت ایله ضمان مجتمع اوله ماز .

بناءً علیه اجر مثل ایله ضمان نقصاندن هانکیسی اکثر ووقفه انفع ایسه آنک تضمینی و دیگرینک ترکی لازم کلیر . شویله که اجر مثل اون ضمان تخریب اون بش آتون اولسه ضمان تخریب لازم کله جکی کبی اجر مثل یکریمی آتون ایکن ضمان تخریب اون بش آتون اولسه اجر مثل آلمق اقتضا ایدر .

۱۵ ماده

اراضی امیریه و موقوفه نك رقبه سنه و تصرفه و املاک محلولیه عائد اوله رق میرینک لهنه و یا علیه نه اقامه اولنان دعوالرده خصم دفتر خاقانی مأمورلریدر . و بونلرک رقبه عائد دعوالرنده مرور زمان مدتی اوتوز آتی سنه در . اشخاص بیننده در دست رؤیت بولنان اراضی دعوالرنده دفتر خاقانی مأمورلرینک حضوری شرط دکلدر .

اسباب موجبیه : اراضی حقنده رقبه یه و تصرفه و املاک محلولیه متدائر اوله رق میرینک له و علیه نه تگون ایدن دعوالرده خصومتک کیمه توجه ایده جککک قانوناً تصریحی مقتضی کورلمش و دفتر خاقانی مأمورلرینک صاحب ارض و کیلی صفتی نظاماً حائز بولنلرینه مبنی ماده بومالده ترتیب قلمش اولدیغی کبی رقبه یه متعلق دعوالرده مرور زمان اجتهادی جاری ایکن قانونده مندرج اولماسی حسیله بوده علاوه ایدلمشدر . بوندن بشقه هیچ بر فائده نی مفید اولدیغی حالده بیهوده تأخرات و اشتغالاتی انتاج ایلکده اولدیغی مشاهده اولمسندن طولانی اشخاص بیننده کی دعاویده مأمورلرک حضوری شرط اتخاذ ایدلماسی حقنده مقدمجه صادر اولان اراده سنیه حکمنه توفیقاً بر فقره علاوه اولمشدر .

شرح : یعنی دفتر خاقانی مأمورلری آنی الذکر دعاویده خصم یعنی مدعی یا مدعی علیه اولورلر .
۱ — اراضی امیریه و موقوفه نك رقبه سنه و تصرفه دائر دعوالرده .

بناءً علیه اولاً : دفتر خاقانی مأموری فلان قطعه ارضك اراضی امیریه دن ایدوکنی و ذی الید متولی اولوبده و قفیتی دعوی ایتدکده دفتر خاقانی مأموری مدعی صفتیه خصم اولور .

ثانیاً : دفتر خاقانی مأموری بوقطعه ارضك اراضی امیریه دن اولدیغنی و ذی الید بولنان شخص کندی ملکی بولندیغنی دعوی ایتدکده دفتر خاقانی مأموری مدعی صفتیه خصم اولور .

ثالثاً : مارالذکر ایکی مسنله ده متولی ایله او شخص خارج و دفتر خاقانی مأموری واضع الید اولوبده متولی ایله شخص مرقوم اقامه دعوی ایتدکلرنده دفتر خاقانی مأموری مدعی علیه صفتیه خصم اولور .

رابعاً دفتر خاقانی مأموری بوقطعه ارض میری فلان کیمسه نك و قاتیله محلول اولدیغنی و ذی الید اراضی امیریه دن اوله رق کندی تصرفنده بولندیغنی دعوی ایتدکده دفتر خاقانی مأموری مدعی صفتیه خصم اولور .

خامساً : برکیمسه فلان قطعه اراضی امیریه کندی تصرفنده ایکن دفتر خاقانی مأموری مداخله ایتدیکنی و دفتر خاقانی مأموری ده مذکور اراضی محلول اولدیغنی دعوی ایتدکده دفتر خاقانی مأموری مدعی علیه صفتیه خصم اولور . قانونده کی « رقبه سنه و تصرفه » عبارته نك معناسی بوجه مشروح آکلا شلمق لازم کلور . یوقسه زید ایله عمرو آرمسنده بر قطعه ارضك تصرفنه دائر دعوالرده دفتر خاقانی مأموری نه مدعی نه ده مدعی علیه اوله بیلور .

۲ — املاک محلوله دعوالرنده .

یعنی برملک صرف ، صاحبک ورثه شرعیه سی اولیه رق وفاتی اوزرینه بیت الماله عائد اولوبده بوندن طولانی بردعوی تحددت ایتسه دفتر خاقانی مأموری هم مدعی و همده مدعی علیه اوله بیلور .

مثلاً دفتر خاقانی مأموری فلان ملک خانه یا عرصه زیدک ملکی ایدی هیچ بر وارثی و وصیتی اولدیغنی حالده وفات ایدرک بیت الماله قالدی و مدعی علیه بوعقار ذاتا بنم ملکم ایدی یا خود زیدک ایدی فقط بن زیدک شوجهتله وارثیم دیه نزاع واقع اولنجه دفتر خاقانی مأموری مدعی اوله بیلور .

نته کیم دفتر خاقانی مأموری مذکور عقاره وضع ید ایدوبده برکیمسه کندی ملکی اولدیغنی دعوی ایده جک اولسه دفتر خاقانی مأموری علیه نه دعوی ایده بیلور . مسقفات و مستغلات و قفیه نك تملک یا محلولیتدن متحدث دعوالرده دفتر خاقانی مأمورلرینک مدعی یا مدعی علیه صفتیه خصم اوله جقلرینه بو ماده دلالت ایلر . بناءً علیه بو کبی دعاویده خصم متولی و اوقاف نظارتی اولق لازم کلور .

مثلاً برکیمسه فلان عقار ملکمدر و واضع الید بالا جارتین تصرفنده و وقفدر دیه نزاع واقع اولدقه مدعی علیه صفتنده و قفك متولیس بولنه بیلور . دفتر خاقانی یا خود بالا جارتین متصرفی بونده مدعی علیه اوله ماز . نته کیم برکیمسه بوعقار بنم بالا جارتین تصرفنده دیه دعوی و مدعی علیه فلان کیمسه نك ایدی بلا اصحاب انتقال وفات ایتکله محلول اولدی دیه ادعا ایتدکده بو منازعه ده مدعی علیه آنحق متولی یا خود مقامنه قائم اولان اوقاف نظارتی اوله بیلور .

اولا اراضى اميريه و موقوفه نك رقبه و ملكيته ثانياً مسقطات و مستغلات و قفيه نك رقبه و ملكيته متدائر دعوالرده مرور زمان اوتوز آلتى سندر مجله نك « ۱۶۶۱ » ماده سنده باق .
شويله كه دفتر خاقانى مأمورى فلان قطعه ارض ، اراضى اميريه دن ايدوكنى و ذى ايد متولى اولوبده و قفیتی دعوى ايتدكه اوتوز آلتى سنده كچماش ايسه دفتر خاقانى مأمورينك دعواسى استماع اولنور .
نته كيم دفتر خاقانى مأمورى اراضى اميريه دن ايدوكنى و ذى ايد ملكى بولنديغنى دعوى ايتدكه كذلك اوتوز آلتى سنده قدر استماع اولنور .
اما اوتوز آلتى سنده كچماش ايسه آرتق استماع اولنور .

كذلك بر متولى ، ديكر كمنه ينده كى عقار ايچون فلان جهته و قفدر ديه دعوى و ذى ايد ملكى ايدوكنى ادعا ايتدكه متولينك اوتوز آلتى سنده قدر دعواسى استماع اولنور .

لكن اراضى اميريه و موقوفه نك تصرفه دائر دعوال مجله نك ۱۶۶۳ ماده سنده بيان اولنديغى اوزره اون سنده دن صكره استماع اولنه ميه جنى كى مسقطات و مستغلات و قفيه نك تصرفه متدائر دعوالردخى كذلك اون بش سنده صكره استماع اولنه ماز . مجله نك ۱۶۶۰ ماده سنده باقكز .

شويله كه دفتر خاقانى مأمورى بر كيمسه نك تصرفده بولنان اراضى ايچون فلانك عهده سندن محلول و ياخود اراضى اميريه خاليه دن بولنديغى بيان ايله ميرى ايچون ضبطى و اول كيمسه نك تصرفى فضولى ايدوكنى دعوى ايتديكى حالده اول كيمسه فضولا تصرفى انكار ايله اراضى اميريه دن اولق اوزره اون سنده دنبرو بالاتزاع تصرف ايتديكى اثبات ايتديكى حالده دفتر خاقانى مأمورينك دعواسى استماع اولنور . ايشته دفتر خاقانى مأمورينك رقبه ارضه متعلق دعواسيله تصرفه دائر ادعاسى بيننده فرق بولنديغنه دقت ايدلمليدر . اشخاص بيننده متكون اراضى اميريه و موقوفه دعوالرينك اثنای رؤيتنده دفتر خاقانى مأمورى حاضر بولنور ايدى . يعنى محكمه ده محاميه يا مذاكره قارشمق كى بروظيفه مخصوصه سى بولنميوپ دعوى و محاميه رؤيت اولنديغى صره ده محاميه بولنديريلور ايدى . اكثرثيا بولنر دعوته دخى اجابت ايتميرك محاميه نك تعليقنه مجبوريت حاصل اوليوردى دعواده شو صفتله حضورده بر فائده ماده كورلمدكن بشقه اكثرثيا تعليق دعوى كى مشكلاتك حدوتى موجب اولديغندن بوماده قانونيه ايله لزوم حضور رفع ايدلمشدر .

۱۶ ماده

بر كيمسه نك متصرف اولديغى اراضى اميريه و موقوفه و مسقطات و مستغلات و قفيه كرك حياتنده كرك وفاتندن صكره محلول اولديغنه دخى باقلمق سيزين تأمين دين ايدر .
شوقدر كه مديون ارباب زراعتدن اولديغى حالده خانه سنك اداره سنده كافى مقدارده كى اراضيسى و فاء و يا اودين ايچون تأمينات اوله رق ارأه اولنماش و يا دين اشبو اراضينك بدلندن نشأت ايتماش ايسه صاتيله ماز .
بو حكم مديونك و يا وفاتندن صكره عائله سنك اقامتلىرینه كافى مسكنلر حقتده دخى جاريده .

اسباب موجب : شمدى يه قدر مرعى اولان قوانين و نظامات احكامنجه اراضى اميريه و موقوفه ايله مسقطات و مستغلات و قفيه و فاء فراغ ايدلمش اولنديغى حالده بعدالوفاة تأمين دين ايدمه مامكده در . و فاء فراغ اولنانلرده بيله دينك تسويه سى اول امرده مديونك تركمنه مراجعتنه متعلق طوتلشدر . بوندن بشقه بر كيمسه عهده سنده كى اموال غير منقوله يى اعمار ايتك و ياخود احتياجات سائر سنى بر طرف ايتك اوزره تأمينات ارأه ايتك سيزين آخردن استقراض و هانكى بر صورتله تدین ايتش ايكن وفات ايدوبده ديوتى قضايه مساعد تركه سى اولنديغى حالده عهده سنده نه قدر اراضى و مسقطات بولنورسه بولنسون اصحاب مطلوب الاجقلىرى استيفادن محروم قالمقده و شخص متوفانك دى ايفا اولنه مامقده در .

بوحالك مادی و معنوی مضرتى طرفينه منحصر قالميوپ مملكتك شرف و اعتبارينه و منافع اقتصاديه . سنده تأثير ايتكده در . حالبو كه قانون مخصوص موجبنه حدود انتقاليه توسع ايتش و محلوليتدن انتظار اولنه بيله جك منافع غایت محدود بر راده ده قالمش اولديغندن حال سابقك دوامندن يالكز اصحاب انتقال انتفاع ايدمه بيله جكدر .

بويه بر قاج كشينك استفاده شخصيه سنى تأمين ايچون اصل متصرفى الى الابد مديون بر اقق و دايىلىرى و آلنرك ضمننده مملكتي دوچار ضرر ايتك موافق نصف و معدلت اولمديغندن و هيچ كيمسه سى بولنميرق مديونا و فوات ايدن كسانك بر قاج غرو شلق محلول بدانه طمعاً قضاء ديونه مساعدده اولنماشى ده مناسب اوله ميه جغندن اموال مذكوره نك بعض قيود تحتنده تأمين دين ايدمه بيله جكى بالتنسب بوماده قلمه آلمشدر .
شرح : بر كيمسه نك دى اول كيمسه بر حيات ايسه ماله دكل ، ذمتنه تعلق ايدر .

بناء عليه مديون مستغرق اولان كيمسه على الاصول حجر ايدلمدكه بتون اموالى بدل مقابلنده يا بلابلد آخره بيع و هبه ايدمه بيلور . مجرد مديون اولسندن طولاني بوملكلو تصرفات قانونيه نك ابطالى لازم كيه جكى كى حكومت دخى تصرفات مذكوره يى اجرادن مديونى منع ايدمه مز .

مديون اولان كيمسه وفات ايتش ايسه دى اموال متروكه سنده تعلق ايدر . زيرا مديون ، عجز تام و مستمر ايله اكتسابدن عاجز قالمش و ذمتى خراب اولمش و بورجى ماله انتقال ايتلشدر .

بناء عليه مديون مستغرق اوله رق وفات ايدن كيمسه نك اموال سنده ورثه سى بيع و هبه كى تصرفات قانونيه ده بولنه مازلر بولنسلر دايىلىرى مجيز اولمقلىرى تقديرده اموال مذكوره يى مشترى و موهوب لهدن استرداد ايدمه بيلورلر .

(مابعدى وار) محكمة تمييز رئيس اولى

على صير

ملکیت ادبیه و فنیه

Propriété littéraire et artistique

معلومات ابتدائیه و عمومیه — آثار ادبیه و فنیه نیک تأمین حمایتی و اشباحیه نیک صور و اشکال نیک تعیین شو سوک زمانلرده کرک قوانین داخلیده و کرک بین الملل مناسبانده بیوک بر اهمیت کسب ایدرک پارلمنتو و قونفرانسلرده اوزون و شدید مناقشات سبب اولمش و مسئله نیک محتاج اولدینی تکملات و اصلاحات هنوز حد غایبه واصل اوله میهرق ده قطع ایدلمسی لازم ، کنیش ، مدید خطوله لر ، مرحله لر قالمشدر .

همان بالجه ممالکده آثار ادبیه و فنیه مؤلفلرینه آرزوق برحمایه بخش و تأمین ایدلمکده در . بوحمایه نیک اساسی بعض ممالک قوانیننده برامتیاز قانونی دن عبارت اولدینی حالده دیگر بعض دولتلر قوانیننده ملکیت اقسامندن معدود اولق اوزره بر «ملکیت ادبیه و فنیه Propriété littéraire et artistique» تصور ایدیلرک بوحمایه اشبو ملکیتک نتیجه طبیعیه سی عد اولنیور . هرملکت داخلنده اودولت تابعیتی حائر مؤلفینک آثار و مصنوعات و مؤلفاتی قانوناً مظهر حمایه اولدینی حالده آثار اجنبیه نیک برملکت داخلنده حمایه ایدیلوب ایدلماسی و بالمقابل به حمایه عائد آثار و مؤلفاتک ممالک اجنبیه ده مستفید حمایه اولوب اولماسی مسئله سی مختلف و مشکل الحال صفحات عرض ایتکده و موضوع بحث و تدقیقمیزی ده آثار و مؤلفات ادبیه و فنیه نیک بین الملل اصول و صورت حمایه سی تشکیل ایلکده در . برقسم ممالکده قوانین داخلیه آثار اجنبیه به تأمین حمایه ایتدیکی حالده دیگر بعض ممالکده بوکی آثارک حمایه سی ایچون معاهدات و مقاوله نامه لر عقیدینه احتیاج حس ایدلمش و بعض مملکتلرده ایسه آثار اجنبیه بالکلیه حمایه دن محروم قالمشدر . مسئله نیک عرض ایتدیکی بومشکلات و اختلافاته برچاره و صورت تسویه بولق اوزره ملکیت ادبیه و فنیه نیک بین الملل حمایه سی ایچون (۱۸۸۶) تاریخنده (برن) ده بر مقاوله نامه امضالامش و بومقاوله نامه (۱۸۹۶) پارس و (۱۹۰۸) برلین قونفرانسلرنده جریان ایدن مذاکرات نتیجه سنده بعض گونه تعدیلاته اوغرامشدر .

هرمؤلف کندی محصول سعی اولان اثرینه مالک اولق لازم کلیر . فقط بوتملکک ماهیت و معناسی صورت قطعیده و هیچ برتردد و اشتباهه میدان ویرمیه جک صورتده ، ایضاح ایدلمک ایجاب ایدر .

لسان عثمانی به « ملکیت ادبیه و فنیه » صورتیه ترجمه ایده بیلدیکمز Propriété littéraire et artistique تعبیرندن مستفاد اولان معنای ملکیت اشیا خارجه دن اولسی اعتباریه بالفعل یدمزده بولنان ذات اثره ، اثرک نسخه ماده سینه عائد ایلان ملکیت دکل ، برحق معنوی در . یعنی بوملکیت تعبیری ایله افاده ایتک ایسته دیکمز فکر برادیب ، برشاعرک تحریر ایتدیکی بر مجموعه دن اوچ بیک نسخه طبع ایتدیردیکی حالده صاحب اثرک بو اوچ بیک نسخه دن عبارت کتابلره مالکیتی ، بررسم برتابلو ترسیم ایتدیکی حالده بر طاقم

اولان ولوازم سائره صرفیه معین برقطعه بز اوزرنده میدانه کتیردیکی اشبو لوحه اوزرنده کی حق تملکی دکلدر . بولر دوغریدن دوغری به ملکیت عادیه اقسامنه داخل اولور .

ملکیت ادبیه و فنیه دن مقصود اولان شی ، مؤلفک اثرک طبع و تمثیل حقنه مالک اولسی کیفیتیه در . یعنی بالاده ذکر ایتدیکمز مثالره کوره اوچ بیک نسخه دن عبارت اولق اوزره طبع اولنان مجموعه دن مؤلفک اذنی اولقمسزین دیگر برینک و مثلاً طابعک ایکی بیک نسخه ده طبعنه و رسامک تابلوسنی هیچ بر کیمسه نیک تمثیل صورتیه تکثیره Reproduction صلاحیتدار اولماسی دیمکدر .

امتیاز و ملکیت اصوللری — فرانسه اختلال کیرندن اول بو حق طابعه بخش ایدلمش برامتیاز ماهیتی حائر ایدی . طابع اثرک منحصرأ طبعی امتیازینه نائل اولیور ، اثرک مؤلفی موضوع بحث بیل اولیور ایدی . ملکیت ادبیه و فنیه طابعه ویرلمش برامتیاز صورتندن باشلا یهرق متعدد صفحات و انقلاباته دوچار اولدی . صوکره لر مؤلفه بخش ایدلمش بر امتیاز حالته افراغ ایدلدی . ده صوکره مؤلفلرک اثرلری اوزرنده حق تملکلی تصدیق اولندی . بوکون همان بالجه ممالکده آرزوق فرقلره ملکیت اساسی قبول ایدلمشدر .

ملکیت اساسی قبول ایدلمکله برابر قوانینک اکثریتی ملکیت Propriété تعبیری قولانماده در . آلمانیانک ۱۸۷۰ و ۱۸۷۶ قوانینی حق مؤلف Urheberrecht - droit d'auteur - ، انکلتره ، شمالی آمریکا حکومت متحده سی قوانینی حق استساخ Copyright - droit de copie تعبیری قبول ایتکده در .

ملکیت اساسی قبول ایدلمکله برابر عمومیتله ملکیت عائد قواعد اساسیه دن آرزوق انحراف ایدلمکده و بو انحرافک درجه سینه کوره ، قوانین مختلفه ، بو اساسلرک برندن دیگرینه ده یقین ویا اوزاق بولمق اوزره ، امتیاز و ملکیت اصوللری بیننده دائر بولمقده در .

اولاً : عمومیت یاقین بر اکثریتله ، برحق ممالکده ملکیت ادبیه و فنیه موقت و برزمانه محدوددر . یالکنز مکسیقا ، غواتمالا ، و نه زوئلا قانونلری اشبو ملکیتکده ابدیتی قبول ایتشلردر .

ثانیاً : بعض ممالک قوانیننده بو حقک تأمین و محافظه سی ایچون بعض قیود و شرائط رعایت ایدلمک ؛ بعض معاملات رسمیه به تابع طو تلق لازم کلیر که ملکیت عادیه ده بو خصوصه رعایت اولماز .

ثالثاً : اسپانیا و ونه زوئلا قوانینی کی بعض قوانین معین بر زمان ظرفنده اثرینی تکرار طبع ایتیمان مؤلفک حق ساقط اوله جغنی قبول ایتکده در که بوکی شیلره ملکیت عادیه ده نصادف ایدلمز .

بعض ممالک ملکیت اساسی قبولده پک ایلری کیده رک ، ملکیت ادبیه و فنیه ی قانون مدنیلرینک تصرف املاکه دائر اولان فصانه ادخال ایتشلر و تصرف املاک قواعدینک بوبابده کی مستثنیاتنی فصل مزبوره علاوه ایتشلردر : اسپانیا و اکثری جنوبی آمریکا حکومتاتی قانونلری کی .

یاقین زمانلره قدر دولت علیه عثمانیه و ژاپونیا قانونلری امتیاز اصولی قبول ایدیورلردی. الیوم مرعی الاجرا اولان ۱۲ جمادی الاولی ۱۳۲۸ و ۸ مایس ۱۳۲۶ تاریخلی «حق تألیف» قانونمیزک سرنامه سنده «ملکیت ادبیه و فیه» تعبیری استعمال ایدلمامکله برابر برنجی ماده سنده «هر نوع محصولات فکریه و قلمیه اوزرنده صاحبیلرینک برحق تملک و ایدر» دینلرک تملک اساسی قبول ایدلدیکی کبی ژاپونیا قاپیتولاسیونلرک الغاسی اثناسنده، ملکیت ادبیه و فیه و ملکیت صنایعیه کبی اوروپا دولتلرینی بربرینه ربط ایدن اتحادلره التحاق ایدرکن ۱۸۸۶ برن و ۱۸۹۶ پارس قونفرانسلرنده تقرر ایدن اساسلری قبول ایلمشدر.

بعض مؤلفین و حقوقشناسان ملکیت اساسی قبول ایدلمکله برابر بعض خصوصاتده اشبو اساسدن عدول و انحراف ایدلمسینی مناسب کورمیهلرک دوغریدن دوغرییه، بتون شرائط و نتایجله ملکیت اساسنک قبولی طلب وادعا ایتکده درلرک دول متمدنه قوانیندن هیچ بری دهها بو درجه تکمله واصل اولممشدر.

فرانسه قانونی — الیوم مرعی الاجرا اولان قوانینک الذقیدی فرانسه قانونی در. Beaumarchais نك تشویقله قلمه النان ۱۹ کانون ثانی ۱۷۹۱ قانونی تیاترو مؤلفلرینک حقوقنی تأمین ایدیوردی. دوغریدن دوغرییه ملکیت ادبیه و فیه دن بحث ایدن فرانسز قانونی ۱۹ تموز ۱۷۹۳ تاریخلی قانوندر. ملکیت ادبیه و فیه یه دائر فرانسه قوانینک اساسنی اشبو ۱۷۹۳ قانونی تشکیل ایتکده در. بوقانون دیگر بعض قوانین ایله اکیال ایدلمش، بناء علیه ملکیت ادبیه و فیه ماده سی فرانسه ده قانون واحد احکامنه دکل. متعدد قوانینه تابع اولمقده بولممشدر.

۱۹ تموز ۱۷۹۳ قانوننک برنجی ماده سنده «هر نوع محرراتنک مؤلف و محررلری، موسیق بستمکارلری، رساملر اثرلرینی جمهوریت اراضیسینی اوزرنده بیع ایتک و ایتدیرمک، توزیع ایتک و بو آثار اوزرنده کی حق تملکلرینی قسماً و یا تماماً آخره فراغ ایتک حقنه، بتون مدت حیاتلرنجه دوام ایتک اوزره، منحصرآ مالک اوله جقدر» دینلیور.

قانون یالکیز محرراتدن بحث ایدرکن تفسیر علمی و تفسیر حکمی طریقلریله بو ملکیت نطقلره، قونفرانسلره، معلیمنک تقریرلرینه اشمال ایدلمشدر.

اشبو ۱۷۹۳ قانوننک مدته عائد قسمی مختلف تاریخلرده دوچار تعدیلات اولمش و ۱۸۶۶ قانونیله اشبو مدت مؤلفنک وفاتندن سوکره الی سنه یه قدر دوام ایتک اوزره تعدیل اولممشدر.

قانون مؤلفینک آثار مؤلفاتی اوزرنده کی حقنی بلا قید و شرط طایقده در. بوحق ملکیت صنایعیه اولدینی کبی هیچ برمعامله رسمیه یه تابع و معلق دکدر. واقعا ۱۷۹۳ قانوننک التنجی ماده سنده مؤلفین و صنعتکارانک آثار و مؤلفاتندن ایکی نسخه سنی کتبخانه ملییه دیپوزیتو ایتلری لزومی مسطور ایسه ده بوجبوریت حمایه نك جمله شرائطدن اولیوب حین حاجتده محاکمه طلب و قوعنده ابراز اولنق اوزره وضع اولمش بر شرط خارجی در. بناء علیه بر مؤلف اثرینی موقع انتشاره قویوبده ایکی نسخه سنی کتبخانه ملییه

دیپوزیتو ایتهدن اول اثری دوچار تقلید اولسه کتبخانه یه ایکی نسخه دیپوزیتو ایدرک محکمه عائدیه سی حضورنده اقامه دعوی ایدیلیر.

مؤلفینک حقوق هم جهت حقوقیه دن هم ده جهت جزائییه دن دولایی مظهر تأمینات اولمشدر. اثری دوچار تقلید اولان مؤلف ضرروزیان دعواسی اقامه ایدیلدیکی کبی مقلدی قانون جزانک ۴۲۵ - ۴۲۷ ماده لرنده مذکور مجازاته ده چارپدیره بیلیر.

تیاترو مؤلفلری ایچون اثرلرینک موقع تماشایه وضعی حق ۱۹ کانون ثانی ۱۷۹۱ قانونیله طانمشدر. بوقانونک اوچنجی ماده سنده «بر حیات اولان مؤلفینک آثاری بتون فرافسه اراضیسینی اوزرنده عمومه کشاده هیچ بر تیاتروده مؤلفنک رضای صریح و تحریریسینی استحصال ایدلمکجه موقع تماشایه وضع اولنه میجنی و عکسی تقدیرده تماشا حاصلاتنک مؤلف منعتنه اوله رق کاملاً مصادره اولنه جنی ذکر» و بیان ایدلدیکی کبی قانون جزانک (۴۲۸) نجی ماده سی ده تأمینات جزائییه بخش ایلکده در.

دولت علیه عثمانیه قانونی — ممالک محروسه عثمانیه ده دخی ملکیت ادبیه و فیه یه عائد مواد بروحدت و عمومیت قانونیه عرض ایتیهوردی. ۸ رجب سنه ۱۲۸۹ و ۳۰ اغستوس سنه ۱۲۸۸ تاریخلی کتاب طبعی حقنکه کی نظامنامه و اوکا ذیل اولنان فقرات نظامیه ملکیت ادبیه و فیه نك یالکیز بر قسمنه، کتاب طبعنه دائر احکامی احتوا ایدیور و ملکیت مذکورده نك دیگر اقسامی ایسه اجتهاد محاکمه تابع اوله رق مختلف صور حلیه عرض ایله یوردی. نظامنامه مزبورده مؤلفینه کتابلرینک طبعی ایچون مدت حیاتلرنجه دوام ایتک اوزره بر امتیاز بخش اولمقده در. فقرات مذیلده مدت امتیاز کتابک طبع و نشری تاریخندن اعتباراً قرق سنه اولق اوزره قبول ایدلمش و کتاب اوزرنده السنه سائرده ترجمه سی حق مؤلفنه عائد اولدینی ذکر اولنق شرطیله مقید اولق اوزره مؤلفه برده حق ترجمه بخش ایدلمش ایدی. آثار مترجمه ایچونده مدت امتیاز یکریمی سندن عبارت اولق اوزره برحق مترجم طانمش ایدی.

نظامنامه مزبوره ۲۰ صفر سنه ۱۲۹۲ تاریخنده ذیل ایدیلان فقراتده دائره تملک عمومییه داخل اولمش بیوک کتابلرک طبعی ایچون طابعلره درت سنه لک بر امتیاز تأمین ایدیلیوردی.

نهایت ۱۲ جمادی الاولی ۱۳۲۸ و ۸ مایس ۱۳۲۶ (۲۱ مایس ۱۹۱۰) تاریخلی «حق تألیف» قانونیله بوقانص بر درجه یه قدر اکیال ایدلدی.

(۱) نجی ماده ده «هر نوع محصولات فکریه و قلمیه اوزرنده صاحبیلرینک برحق تملک» اولدینی تصدیق ایدیلیور و بوحقه «حق تألیف» نامی ویریلیور.

(۲) نجی ماده ده حق تألیفک نه کبی آثاره شامل اولدینی تعداد اولنیور: «کتب و مؤلفات و رسم والواح و خطوط و محکوکات و هیکل و پلان و خریطه و معماری و جغرافی و طپوغرافی و سائر فی مسطحات و مجسمات و موسیقی بسته و نوطه لری کبی آثاردر» دینلرک محصولات فکریه و قلمیه تعبیر عمومیسی ایضاح

ايديلور . « كې » قيديك درجندن محصولات فكريه و قلميه نك بونلره منحصر اولديني و بناء عليه متن قانونده كي تعدادك بر ماهيت تحديديه ي حائر اوليوب محصولات فكريه و قلميه تعبير عموميسي مفهومه داخل اوله بيله جك هر بر اترك صاحبنه حق تأليف بخش ايدليكي اكلاشيلور .

(٦) نجى مادهده مذكور مؤلفك وفاتندن اعتباراً اوتوز سنه دن عبارت اولديني اساس قانونيسي ذكر اولدقدن صكره (٧) نجى مادهده « الواح و خطوط و محكوكات ايله رسملر و شكللر و خريطه لر و معماری و جغرافي و طبوغرافي و سائر مسطحات و مجسمات » اوزرنده كي حق تأليفك مستثنا قواعده تابع طوتيله رق اون سكر سنه مدتله صاحبليينه برحق استفاده بخش ايتديكي ذكر اولنيور . ملكيت ادبيه و فنيه عائد عمومي برقانون وضع ايديلور كن ملكيت مذكوره يه داخل بر چوق اقسام مهمه نك بويله مستثنا قواعده ، تحديده اته تابع طوتيلسي يك مناسب دكلدر .

(١٠) نجى ماده تياترو پيهرلرينك و اوپرالرك موقع اجرايه وضعي حقنى موضوع بحث ايتكده در .

(١١) نجى ماده دخى انتفاع مقصديه اوليسان مسامره لرده تياترو پيهرلر و اوپرالرك حق تأليفه تابع اولمقسنين موقع تماشايه وضع اولنه جغنى ذكر ايدرك مؤلفينك حقوقه تجاوز ايديلور .

مؤلفك ، منفعت خصوصيه ملاحظه سي موجود اولماسي حسييله ، اولبابده كي حق ماديسندن صرف نظر ايتسي حيتندن منتظر مأمول و اولسه بيله - اساساً رضا و موافقتي منضم اولمقسنين برحقده مؤلفك يدندن نزاع اولنامق لازم كلور - مؤلفك برده حق مغنويي و اردركه اثرينك عجمي و بجر كمز آقتور و آقتريسار طرفندن موقع تماشايه وضع ايديله رك تماشاكران حضونده دوچار سقوب اولسنه تحمل ايدمز . هر حالده بوراده ده حق تأليف اساسنه مؤلفك حق ماديسي و بالخاصه حق مغنويي نقطه نظرندن دقت ايدلك لازم كلوردى .

(١٤) نجى مادهده ترجمه موضوع بحث اوليور و بونك مدتيده ينه تفسيرى مشكل بر مطالعيه استاداً اون بش سنه يه اينديريلور . بعض نقائصيله برابر بو قانون شمديكي حالده اولدجه مهمه احكامى حاوى و جامعدر . طبيعي دركه برده ديكر ممالك متمنده ده اجرا ايدليكي اوزره و بو بابده كي ترقياى تدريجاً و كمال تأنى ايله خطوه بخطوه موقع تطبيقه قويه بيلورز .

شمدي يه قدر و يريلان ايضاحاتدن ملكيت ادبيه و فنيه دن بر مملكت داخلنده تبعه نك نه صورتله استفاده ايتدكلرى حقنده بر فكر اجمالى حاصل ايدلى . آثار اجنيه نك حمايه سي - آثار اجنيه نك بر مملكت داخلنده حمايه ايديلوب ايدلامسي مسئله سنه كلنجه مسئله مذكوره قانونلرده مختلف اشكال و صور حليه عرض ايدر . بوبابده فرانسه قوانينى فوق العاده بر وسعت ابراز ايلر .

فرانسه ده آثار اجنيه نك حمايه سي مسئله سي ٢٨ مارت ١٨٥٢ قرارنامه سي decret ايله تنظيم اولمشدن .

بناء عليه فرانسه ده آثار اجنيه نك مظهر اولدقلى حمايه ي ، برى ٢٨ مارت ١٨٥٢ قرارنامه سندن اولكي دوره ، ديكرى ده اشبو قرارنامه دن مؤخر اولان دوره ، اولمق اوزره ايكي دوره تاريخيه تقسيم قابلدن .

١٨٥٢ قرارنامه سنه مقدم اولان دوره ده فرانسه داخلنده نشر اولنان آثارك جمله سي ، مؤلفلرينك تابعيتى موضوع بحث اولمقسنين مظهر حمايه اوليور بويله جه مؤلفك تابعيتى دكل ، اترك تابعيتى موضوع بحث ايديلوردى . بر اثر فرانسه داخلنده نشر ايدملكه فرانسز تابعيتنى اكتساب ايديور و فرانسه قانوننه تبعاً نائل حمايه اوليوردى .

بالمقابله ممالك اجنيه ده نشر اولنان آثار ، مؤلفلرى فرانسز تابعيتنده بولنسه لر بيله ، فرانسه ده مظهر حمايه اوليوردى . اترك ممالك اجنيه ده نشر اولنسي اثره تابعيت اجنيه بخش ايديور و مؤلفك فرانسز اولماسى اوكا فرانسه داخلنده بر حمايه تأمينى ايجون كفايت ايتيور و او اثر فرانسه قوانينى نظرندن بر اثر اجنبى عد ايديلوردى .

بوصورتله ملكيت ادبيه و فنيه اراضيه تابع حقوقدن عد ايديلور و مؤلفك تابعيتى دكل ، اترك تابعيتى موضوع بحث اوله رق فرانسه ده نشر آثار ايدن اجانبك آنارى فرانسه ده مظهر حمايه اولديني حالده ممالك اجنيه ده نشر آثار ايتش فرانسزلرك اثرلرى فرانسه داخلنده مظهر حمايه اوليوردى .

ايكسجى دوره ٢٨ مارت ١٨٥٢ قرارنامه سي ايله باشلار . هان بالجمله ممالكده ، برنجى دوره ده فرانسه ده مرعى اولان اصول قبول ايدلمش ايدى . يعنى بر مملكت اراضيسى اوزرنده ولو اجنييلر طرفندن نشر اولنش آثار حمايه ايدليكي حالده هيچ بردولت ، مؤلفيني كندى تبعه سندن اولسه بيله ، ديكر بر مملكت اراضيسى اوزرنده نشر ايديلان آثاره حمايه تأمين ايتمه يوردى . اكثر ممالكده حقوقاً عين صورتده قبول ايدلمش اولان بواصول فعليته ده فرانسه ايجون مهم فرقلى اظهار ايديور و بيوك ضرر لر سبب اوليوردى . فرانسز لسان وادبياتك توسع و انتشارى سبيله فرانسز ادباسك و بالخاصه حقوق شناسانك آنارى مثلاً باجيقاده سهولتله و سربستجه طبع ايدلمسندن دولاي فرانسز مؤلفين و طابعيني متضرر اوليورلر و حالبوكه باجيقاليلرك آثار و مؤلفاتى او درجه تداول ايتديكندن فرانسز طابعلرى اونلرك سربستجه طبعندن عين استفاده ي تأمين ايدمه ميورلردى .

بومسئله ايكي صورتله حل ايديله بيلوردى : معاهدات عقدى ، قوانين داخليله احكامك تعديل . قوانين داخليله احكامك تعديلنده ده ايكي صورت وارد خاطر اوله بيلوردى : برنجيسى آثار اجنيه نك بلاقيد و شرط حمايه سي ، ايكنجيسى ده معامله متقابله اساسك قبول ايدلى كي بفض شرائطه معلقاً آثار اجنيه يه حمايه تأمينى صورتلر ايدر .

٢٨ مارت ١٨٥٢ قرارنامه سي آثار اجنيه يه ، ممالك اجنيه ده نشر اولنان آثاره ، بلاقيد و شرط صورت عموميه ده تأمين حمايه ايدر . بو قرارنامه نك برنجى ماده سي موجبجه « ممالك اجنيه ده نشر اولنان

وقانون جزانك ۴۲۵ نجی ماده سنده تعداد اولنان آثارك فرانسه اراضیسی اوزرنده تقلیدی بر جنبه تشکیل ایدر . « فقط اشبو قرارنامه دائر سنده آثار اجنبیه فرانسه اراضیسی اوزرنده مظهر حمایه اولق ایچون آثار مذکورده نك اولجه نشر اولندقلری مملکتده نائل حمایه اولملری لازم کلدیکی کی فرانسه قانونك بخش ایده جکی حمایه ده مملکت اصلیه قانونك تأمین ایتدیکی حمایه درجه سنی تجاوز ایتمالیدر . فرانسه نك بودرجه وسعتله آثار اجنبیه به بخش و تأمین ایتدیکی حمایه دول سائر قانونلرنده ده مثال اتخاذ ایدیلر ك برچوق ممالکده بوكا مائل احکام وضع ایدلی .

فقط بودرجه حریتپرورانه احکامی احتوا ایدن اشبو قرارنامه بوبابده حل ایدلمسی لازم کلان مسائلک جمله سنه تام بر صورت تسویه بولماسدر . ممالك اجنبیه ده نشر اولنان آثارك فرانسه اراضیسی اوزرنده تکرار طبع و نشرینی منع ایتدیکی حالده تیاترو آتارینك موقع تماشا به وضعی حقندن بحث ایله مامشدر . آثار ملیه نك ممالك اجنبیه ده تأمین حمایه سی - هر دولت کندی قوانین مخصوصه سی ایله اراضیسی اوزرنده آثار و مؤلفات اجنبیه نك نه صورتله مظهر حمایه اوله بیله جکینی تعیین و تقدیر ایدیلیر . فقط کندی آثار و مؤلفاتی دیگر دولتر اراضیسی اوزرنده مستفید حمایه ایتك ایچون مقاولات و معاهدات مخصوصه عقدندن باشقه چاره یوقدر . دولترك استقلال و حاکمیتلری حسبیه بر دولت دیگر دولتی کندی تبعه سنه فائده بخش قوانین وضعنه اجبار و حتی بویولده بر تکلیف بیله در میان ایدمیز . بو کی مقاولات و معاهدات عقدنده طرفینك یکدیگره متقابلاً ابراز تسهیلات و مساعدات ایتسی اساس اولدیغندن قوانین داخلیه احکام تحدیدکارانه سی دولت متعاقده تبعه سی ایچون توسیع ایدلیکی کی قوانیننده بو کی احکام تحدیدی قبول ایدن دولترله عقد معاهده ایدن حریتپرور احکام قانونیه به ممالك دولتر بالمقابله دولت معاقده تبعه سی ایچون خصوصی بعض تحدیدات اجراسنه مجبور اولورلر . ذاتاً بو کی معاهدات عقدنده معامله متقابله اساسنك کوزه دلمسی پك طبیعی در .

بوابده منعقد مقاوله نامه لر اوچ صنفه تقسیم ایدیلیر :

برنجی صنفده دول متعاقدیندن هر برینه دیگر دولت قوانینله بخش اولنان حمایه تأمین ایدیلور . اجانبه مقابله بالمثل شرطنه معلقاً تأمین حقوق ایدیلان ممالکده بو طرز معاهدات فائده بخش اولور .

ایکینجی صنف مقاوله نامه لر ایسه ملکیت ادبیه و فنییه عائد بالجمله موادی حاوی اولوب ایکی مملکت مناسباتنه قابل تطبیق بتون قواعدی باشلو باشنه احتوا ایدر . بو طرز مقاوله نامه لر دول عاقده دن برنده ملکیت ادبیه و فنییه دائر هیچ بر قانون و نظام موجود بولنماسی کی - احوال خصوصیه الجا آتیه قلمه آلدیغندن پك نادر درلر .

اوچنجی صنف مقاوله نامه لر کلنجه الك اهمیتیلری بونلردر . بو طرز مقاوله نامه لرده مقاوله نامه احکام محتویه سی قوانین داخلیه احکامیه الك ایداشدر . مقاوله نامه بریاندن باشلو باشنه بعض احکامی محتوی

اولدینی کی دیگر طرفدن طرفین عاقدین قوانینی احکامی ده نظر اعتباره آلور . مقاوله نامه ده مذکور و مصرح اولیان مواد دول عاقده قانونلرینه مراجعتله حل ایدیلور . بین الممل بر اتحاد تأسیسنه دائر تشبثات - ایکیشر ایکیشر دول مختلفه مناسباتی تنظیم ایدن اشبو معاهدات مقامنه قائم اولق اوزره همان بالجمله دولترلی معین اساسلر اوزرنده جمع ایده جک معاهدات عمومی عقدینه لزوم حسن ایدامک باشلادی . بولزومه بناء « آثار ادبیه و فنییه اوزرنده مؤلفینك حمایه حقوقه خادم اتحاد » Union pour la protection des droits de auteurs sur leurs œuvres littéraires

et artistiques تأسیس ایدن ۹ ایلول ۱۸۸۶ تاریخی برن مقاوله نامه سی قلمه آلدی . بالذات مؤلفین ، بعض مشهور حقوقشناسان طرفندن مظهر ارشاد و حمایه اوله رق ، بر « بین الممل ملکیت ادبیه و فنییه اتحادی » تأسیس فکرنی ایلری به سوردیلر ولوایح ابتدائییه حاضر لادیلر . ۱۸۷۸ ده پارسده و یقتور اوغونك تحت ریاستده تشکل ایدن « بین الممل جمعیت ادبیه و فنییه Association littéraire et artistique internationale » سنوی قونغرله تشکل ایتدی . بوقونغرله مناقشات مفیده به ، تعاطی افکاره ، تکلیفات مختلفیه میدان ویردی و بو صورتله بر اتحاد عمومی تأسیسی فکری یاواش یاواش وجود بولدی .

نهایت بر لایحه ابتدائییه قلمه آلمق اوزره بوجمیت طرفندن ۱۸۸۳ ده برن ده بر اجتماع عقد ایدلی . بولایحه آتیاً اجرا ایدیلر جک مذاکراته اساس ارمق اوزره دولتره تقدیم ایدیلر جک ایدی . اسویچره حکومتی جمعیت ایله دولتر اراسنده وظیفه و ساطتی قبول ایتدی و جمعیتک لایحه ابتدائییه سی دول متمدنه به تبلیغ و بولایحه نك تدقیق ایچون اجتماع ایده جک سیاسی قونفرانسی دعوت ایتدی . اون درت حکومت بو دعوته اجابت ایدیلر . دول مزبورده مرخصلری ۸ ایلول ۱۸۸۴ تاریخنده برنده طوبلانیدیلر .

برچوق مذاکراتدن سوکره ، اصلاحات مهمه وعیدیه ی احتوا ایتکله برابر پك معتدلانه احکامی حاوی بولنان بر مقاوله نامه لایحه سی قلمه آلدیلر . برن لایحه سی بو اعتدالکارانه احکامنه رعماً بر چوق ممالکده انتقادات شدیدیه سبب اولدی . لایحه نك تعدیلی آرزولری در میان ایدلی . ۷ ایلول ۱۸۸۵ تاریخنده برن ده یکی بر قونفرانس انعقاد ایتدی . مقاوله نامه لایحه سنك برچوق موادینك تعدیلی تکلیف ایدلی .

برن مقاوله نامه سی (۱۸۸۶) - لایحه ابتدائییه دقت و اهمیت لازمه ایله تدقیق و خصوصی بر قومیدسیون واسطه سیله تعدیل اولندی . الی اجتماع عمومی دن سوکره اون بر دولت مرخصلری طرفندن قلمه آلتوب امضا ایدیلان بر لایحه قطعیه حکومتلرک نظر تدقیقنه عرض ایدلی . وهیچ بر صورتله تعدیلات اجرایی قبول ایدیلر ك بولایحه به موافقت ایدن دولترلی برلشدره جک معاهده ی امضالامق اوزره ۱۸۸۶ ده برن ده صوک بر قونفرانس اجتماع ایده جکی قرار لاشدیرلدی .

بوصوك اجتماعه آتی الذکر اون ایکی حکومت مرخصلری حاضر بولندی: آلمانیا، بلجیقا، اسپانیا، شمالی آمریکا حکومت متحده سی، فرانسه، انگلتره، هایتی، ایتالیا، ژاپونیا، لیبیریا، اسویجره، تونس. بودولتوردن شمالی آمریکا و ژاپونیا وضع امضادن اجتناب ایتدیلر. تصدیق مدتی برسندن عبارت ایدی. تصدیق معامله سی یالکز لیبیریا طرفندن اجرا ایدلدی.

مقاوله نامه ۹ ایلول ۱۸۸۶ تاریخنی حاوی اولوب ۵ کانون اول ۱۸۸۶ تاریخندن اعتباراً موقع تطبیقه وضع اولمشدر. موخرأ لوکسنبورخ: موناکو، قره طاغ، اسوچ، نوروچ؛ دانیمارقه؛ ژاپونیا حکومتلری بواتحاده التحاق ایتشلردر.

پارس قونفرانسی (۱۸۹۶) — ۹ ایلول ۱۸۸۶ برن مقاوله نامه سی، اون سنه صکره، نیسان ۱۸۹۶ تاریخنده پارسده عقد ایدیلان قونفرانسدده بعضی تعدیلاته دوچار اولدی. پارس قونفرانسدن ایکی وثیقه تولد ایتشد. بری بریانیامه تفسیری Déclaration interprétative؛ دیگریدده بر مقاوله مذلیه Acte additionnel در.

بوایکی وثیقه عین دولتر طرفندن امضا ایدلماشدر. بیاننامه تفسیری یی امضا ایدوب مقاوله مذلیه یی امضا ایتمین دولتر اولدینی کی بالمقابله مقاوله مذلیه یی امضالایوب بیاننامه تفسیری یی وضع امضا ایتمین دولترده واردر.

ایشته بوصورتله ۱۸۹۶ پارس قونفرانسدن چیقان وثیقه لر اتحاده داخل دولتر آرسنده مختلف؛ متفاوت وضعیتلر احداث ایدیوردی. اتحاده داخل دولترک جمله سی ۱۸۸۶ مقاوله نامه سی قبول و تصدیق ایدیورلردی. فقط بودولتوردن بعضلری یالکز بیاننامه تفسیری یی دیگر بعضلری ده یالکز مقاوله مذلیه یی تصدیق ایلدیورلردی. مقاوله مذلیه و بیاننامه تفسیری یی یالکز او وثیقه لر امضالایان اکثریته قابل تطبیق اولدینی جالده ۱۸۸۶ مقاوله نامه سی اتحاده داخل دولترک جمله سنه قابل تطبیق ایدی. بوصورتله اتحاد Union قطعاً وحدتی Unité تضمن ایتدیور؛ مؤلفین اتحاده داخل هر مملکتده بشقه صورتله مظهر حمایه اولیور؛ یالکز بعض اساسات عمومیده ده اتفاق ایل اکتفا ایدلمش بولیوردی.

اتحاده داخل دولتوردن نوروچ بیاننامه تفسیری یی امضالادی. مقاوله مذلیه یی امضالامادی. انگلتره ایسه بالعکس مقاوله مذلیه یی امضالادی. بیاننامه تفسیری یی امضالامادی.

برلین قونفرانسی (۱۹۰۸) — برن مقاوله نامه سی ۱۸۹۶ ده پارسده اجتماع ایدن قونفرانس مقرراتیله بعض تعدیلاته معروض اولدینی کی بالاخره ۱۴ تشرین اول ۱۹۰۸ تاریخنده کشاد ایدیلوب ۱۴ تشرین ثانی ۱۹۰۸ ده مساعیسی ختامه ایردیرن برلین قونفرانسدده دوچار تعدیل اولمشدره.

برلین قونفرانسی اتحاده داخل دولتر مرخصلردن ماعدا اتحاده داخل اولمیان دولتر مرخصلرینی ده احتوا ایدیوردی. اتحاده داخل اولمیان دولترکده قونفرانس مذاکراتنه اشتراکه دعوت ایدلمسی صوڪ

زمانلرده تقرر ایتمش کوزل بر عادت واصولدر. برلین حکومتی اتحاده داخل اولان؛ اولمیان دولتره دعوتنامه لر کوندردی. اتحاده داخل اولمیان دولتوردن یکرمی قدری بودعوته اجابتله قونفرانس مذاکراتنه اشتراک ایتدیلر.

بوکی اتحاده غیر داخل دولترک قونفرانس مذاکراتنه اشتراک کندن فوائد مهمه استحصال ایدلدی. بولتوردن بعضلری مذاکرات ومناقشات صورت مفیده ده اشتراک ایتدیلر. کندی مملکتلرینی اتحاده دخوله سوق ایدن ویا اتحاددن اوزاقلاشدیران مواد و اسبابک نیدن عبارت اولدینی قونفرانسه اراثة ایتدیلر ونه کی شرائط دائره سنده اتحاده داخل اوله بیله جکلرینی کوستردیلر. بوصورتله اتحاده داخل اولانلر ایله اولمیانلر آرسنده ائتلاف زمینلری حاضرلاندی. اولنلرک نه کی شرائط داخلنده اتحاده کیره بیله جکلری ا کلاشلدینی کی اتحاده داخل دولتوردن طلب ایده جکلری و اولنلرک بخش ایده بیله جکلری امتیازات وفدا کارلغک درجه سی ده تعیین ایدلدی. بویله جه اولنلرکده یاقین زمانده اتحاده دخوللری اسبابی استحضار ایدلدی.

— مابعدی وار —

پارس علوم سیاسیه مکتبتندن مأذون

سعیه حکمت



ظرفده سنداتی محکمه کاتبه تسلیم ایلری ومدت مذکور ختامندن صکره اوج کون یعنی اوچیز یگرمی
طقوز سنه سی شهر ایلولاک طقوزنجی بازار ارتسی اونجی صالی اون برنجی چهارشنبه کونلری محکمه نیک
افلاس اوطه سنه کلهرک سندیک افندی مواجهه سننده الاجقارنی اثبات وقید وتصدیق استدرملری ومدت
مذکوره اثبات وجود ایدمین الاجقار حقننده قانون مذکورک ایکی یوز اونجی ماده سنه توفیقاً معامله
اولنه جنی اعلان اولنور .

تجارت وزراعت نظارتی طرفندن بالیکسریده مقیم تجارندن قریلی زاده عمر لطفی و یوسف پاشاده حاجی
پیرام حقتانی محله سننده یگرمی دوت نومرولو خانه ده ساکن مصطفی نزهت افندیلر علیهنه درسعادت بدایت
محکمه سی برنجی حقوف دائره سننده اقامه اولنان دعوانک مومی الهمانک غیوبت ایتلرندن طولایی اصول محاکات
حقوقیه قانوننیک یگرمی التنجی ماده سی حکمنه توفیقاً ایشو اوچیز یگرمی طقوز سنه سی تشرین اولک
اوجنمی پنجشنبه کونی وسطی ساعت ایکی راده لرند روث اولنه جنی متضمن تنظیم اولنان دعوتیه ورقه سی
واستدعا صورتلری محکمه دیوانخانه سنه تعلیق قلنمش اولدیغندن مومی الهمانک یوم ووقت مذکوره محکمه
مذکوره حاضر بولملری وکلدکاری وطر فلرندن مصدق وکالتنامه ایله وکیل دخی کوندرمه کلری حاله
حققرنده معامله غیایه اجرا ایدیه جکی اعلان اولنور .

کشان قصبه سننده مقیم بقال سکللو قریلی طراندافیل یورکینک خزیننه جلیلهیه اعشار التزامندن اولان
دینی وقت معیننده تسویه ایتدیکنندن تحت حجزه النان قصبه دروننده مغازه ده یوز کسور کیله قوش می
تاریخ اعلانن اعتباراً اوج کون صوکره بالمزایده فروخت ایدیه جکندن طالب اولانلرک کشان اجرا
دائره سنه مراجعتلری اعلان اولنور .

کشان قصبه سننده مقیم قوجان دیترونک خزیننه جلیلهیه اعشار التزامندن اولان دینی وقت معیننده
تسویه ایتدیکنندن تحت حجزه النان قصبه ده دکاننده کی موجود اشیای بقالیه و خانه سننده فضله اشیای بیتیه
ومسکراتی تاریخ اعلانن اعتباراً اوج کون صوکره بالمزایده فروخت ایدیه جکندن طالب اولانلرک کشان
اجرا دائره سنه مراجعتلری اعلان اولنور .

کشان قصبه سننده مقیم قالفه استلیانوز و اوغللری انشتاش و پاندلرک خزیننه جلیلهیه اعشار التزامندن
اولان دینلرینی وقت معیننده تسویه ایتدیکنندن تحت حجزه النان قصبه ده دکاننده موجود تحافیه ویزاندیه
اموالیه خانه سننده فضله اشیای بیتیه سی تاریخ اعلانن اعتباراً اوج کون صوکره بالمزایده فروخت ایدیه جکندن
طالب اولانلرک کشان اجرا دائره سنه مراجعت ایلری اعلان اولنور .

کشان قصبه سننده مقیم کراسنه جی استباط استراطی و بابوشجی حاجی قله آنینک خزیننه جلیلهیه جلیلهیه
التزامندن اولان دینلرینی وقت معیننده تسویه ایتدیکنندن تحت حجزه النان قصبه ده بابوش والتش سسکیز
بالیه قشقوال واون تنکه زیتون یاغ واون دوت فوچی زیتون یاغی اوتوز طقوز تنکه ساده یاغ تاریخ اعلانن
اعتباراً اوج کون صوکره بالمزایده فروخت ایدیه جکندن طالب اولانلرک کشان اجرا دائره سنه مراجعت
ایلری اعلان اولنور .

کشانلی قالفه استلیانوز و قوزقیر قریلی یناقونک خزیننه جلیلهیه جهت التزامندن اولان دینلرینی وقت
معیننده تسویه ایتدیکنندن دولایی تحت حجزه النان قصبه ده محجوز ۱۳۹ کیله قوش می ۸۷ یجی کیله چاودار
تاریخ اعلانن اوج کون صوکره بالمزایده فروخت ایدیه جکندن طالب اولانلرک کشان اجرا دائره سنه
مراجعت ایلری اعلان اولنور .

کشانلی حاجی براشکوه اوغلی پنا یو ط اغانک خزیننه جلیلهیه اعشار التزامندن اولان دینی وقت معیننده
تسویه ایتدیکنندن تحت حجزه النان یوز یگرمی بش رأس قویون ومع ملاق یگرمی بر مانده ومع بوزاغی
اون بش اوکوز واینک واون ایکی بارکیر تاریخ اعلانن اعتباراً اوج کون صوکره بالمزایده فروخت
ایدیه جکی اعلان اولنور .

چلتک قریلی لامبو و برادری فلیک خزیننه جلیلهیه اعشار التزامندن اولان دینلرینی وقت معیننده
تسویه ایتدیکنندن تحت حجزه النان قریه لرند کی خانه لرند محجوز طقسان بش بالیه قشقوال واون سسکیز
تنکه ساده یاغ تاریخ اعلانن اعتباراً اوج کون صوکره بالمزایده فروخت ایدیه جکندن طالب اولانلرک
کشان اجرا دائره سنه مراجعتلری اعلان اولنور .

شیله قصبه سنک چاوش محله سننده مقیم متوفی بکتاش حسینک زوجه سی نانیه مک قصبه مذ کوره نک بالی مک
محله سننده مقیم قایونجی اوغلی حافظ تحسین افندی ذمتنده بااعلام محکوم به الاجنی اولان مبالغک تأمین
استیفاسی ضمتنده تحت حجزه آلهرق فروحتی قرارلاشدیریلان قصبه مذ کوره ده ترسانه موقعنده اوج قطعه
کشیده اولنور چکدیرمه چوکلنک ثلث حصه سنک یگرمی بیک یدی یوز اوتوز الی سهم اعتباریه یدی بیک
سکر یوز قرق سهمی بیک و طایین سواقاغنده بر باب قلایحی دکاننک نصفی یگرمی بیک یدی یوز اوتوز الی
سهم اعتباریه یدی بیک سکر یوز قرق سهمی یوز و مذ کور بالی مک محله سننده جامع شریف جاده سننده تخمیناً
ایکی یوز زراع بفرجه نک بشیوز سکسان الی بیک الی یوز سکر سهم اعتباریه ایکی یوز یتیش دوت بیک

- محكمة تمیز جزا دأره سی مقرانی — (۱) مجرمك حین استجوابنده سن و هویتك
سؤال و ضبطنامه یه درج اولئامسی ۲۹ اگستوس ۳۲۹ ۵۰۹۳
- قتل (۲) ۵۰۹۵ » » »
- محكمة تمیز استدعا دأره سی مقرانی — (۱) فعل ضربك اولاً كیمك طرفندن واقع
اولدیغك بیان ایدلسی ۱۲ مایس ۳۲۹ ۵۰۹۶
- (۲) مظنونك حین ایقای جرمده اون سكز
یاشنی اكالم ایتمه مش اولسی ۲۸ » » ۵۰۹۷
- (۳) مبرز قونطورا تور ورقه لرینك محاکات
و تدقیقات استنباطیه اثناسنده مواجهه
طرفینده قرائنه دأر ۲۲ حزیران ۳۲۹ ۵۰۹۸
- شورای دولت مضبطه لری — (۱) موقوف فرارینه سببیت ۲۹ » » ۵۱۰۰
- (۲) اعشار تعشیری حقنده » » ۵۱۰۱
- (۳) وظیفه مأوره لرینه متعلق اوله رق افراد
ایله مشترکاً ایقاع جرائم ایدن مأورین
محاکه سنه دأر » » ۵۱۰۲
- (۴) یکیشهر نفوس کاتبی حقنده » » ۵۱۰۳
- ۵۰۱۴
- محكمة تمیز حقوق دأره سنجه نرقیقانی نتیجه پذیر اولاده دعاوی اعلاماتك لیسته سی

فسم غیر رسمی

مقالات

- اموال غیر منقوله لك تصرفه عام مواد قانونیه { محكمة تمیز رئیس اولی علی حیدر افندی حضر تلرینك
دأر نشریات (ختمام) ۵۱۰۷
- ملکیت ادبیه و فنییه دأر { پارس علوم سیاسییه مکتبدن مأذون سعید حکمت بک
۵۱۲۳

